



辰一公傳

辰一公系出宋宗室蓋南渡時列封宣城者也然為瑩守計乃避地水西居距先瑩里許既而馬守又避匿寧陽山澤中至屠村岸問老叟也公以為識遂諱其本姓稱屠氏而居之事見屠氏有遺址因卜形勢勝于屠村岸乃年有元一公者自稱屠氏後從先世出徙之數年又有新慶公者亦自稱屠氏後從居之右居之至今左為塲下右為腦頭

開孫公傳

辰一公之子曰開孫公開孫公之子曰保二公宗生公父也辰一公宗生公以開躬澤故老多傳述之余因得考論以不忘

後有所啟豈獨無令緒哉乃當述作之會享成業而不勞遂為傳者所畧今雖欲聞其梗槩無由焉意必是一種清淨人物而非可以妄擬也倘或謬為論次是謂誣我先祖闕而不傳庶幾後世有信者余于是益玷闡揚不蚤未及中憲司成之存致先烈多未表章余之罪其何道

玄極頓首識

匡公傳

昌黎公諱匡行士生保一公長子辰一公曾孫也為人脩偉魁岸冠裳楚楚扣其胸臆則洒洒洋洋有海若之度同時治毛詩者皆遜避在其下風謂青紫旦暮間耳既而以淹場屋以貢授昌黎丞儉然老槐古樹而愛民之政律已之操人皆仰之無何煙霞在念曰吾安得以一官奪吾素好哉遂掛官歸第課子孫忘世務自適蓋余家詩書之澤實自公肇開之乃不數傳而公之祀遂以不延惜哉

玄極頓首識

宗生公傳

宗生公積二公長子辰一公曾孫昌黎公同堂弟也公行誼篤至
惇睦族里嘗與兄弟分田舍後為所擄即讓之及自創復為所據
又讓之至再三無難色鄰里有橫逆絕勿與較天性明敏於象緯
吉凶形勢休旺不待師承而得其精髓謂石馬塔不足居遍覽形
勝得廖池之陽而悅焉曰築室當于此矣顧公恢豁大度不習機
智深藏因而謀築者遂起公曰有緣分者任自圖之遂置之度外
迺業者獨堅持以待公曰借廡莫如大樹公仁人也盍居以庇我
其環廖陽而居者又悉翼贊以待公曰借器莫如比隣公仁人也
盍居以善良我于是謀者漸寢卒歸公公乃辛苦拮据樹之奐輪
而貽我後人為堂室者三為門廡者亦三今遺迹雖無存願余自
兒童猶及見一二知其規模宏遠矣數傳而我司成公以甲第起
家游陟九列尤以理學為世儒宗即今藻文脩行揚芳趾美者彬
々未可美豈公堂構所貽實博厚之澤所培植居多也

玄極頓首識

長童公傳

長童公宗生公長子員童公兄也公仲叔後人多彬上文學士因得藉手以紹闡前休而公獨無一人為之論次是以後裔傳非以先德傳也余私心竊有未安亟欲考求而表著之顧其老成多凋謝其存者多幼于余問其先世茫然無以應也爰念宗生公徙居廖陽公為冢嗣其拮据堂構公贊助之力必多余輩與有賴焉惜其懿德畧而不傳猶憶我中憲司成兩公稱先世與員童公友善必首推公蓋孝弟之性有獨至者而其詳不可得聞矣故特舉其概以志感慨

玄極頓首識

員童公傳

員童公諱詮宗生公次子惠隱公父也天性孝友當宗生公草創之後前阻山谿乃驅石為橋以成先志每當風生踈竹月映浮梁必邀伯季暢飲用是伯季亦各建一橋徃復流觴為樂人稱同氣三橋今橋已為危波所撼而其事猶傳孝友之不磨滅于人心如

此公儀度備備儼然人望而敬之徐而就侍于其側春風和氣藹如也終身無疾言亦無遽色人方忿之不平向公不以爲忤一言寬諷已慚沮色喪矣以是人服其雅量而行尤醇厚有宗生公之遺風嘗積谷數百石有規得而難爲言者公知其意乃割牲具饗持觴酬勸間談笑語之曰子不得積穀如我乎願我無靳于子今乃持以予子耳其人佯遜避公曰是胡足遜我有餘徒費收拾子不足多費經營今損有餘以佐不足實兩便也又酌之數爵極歡而罷見鄰里困乏雖踈遠必量力周之至于子母盈縮不沾一筭也余自兒童時多有稱公讓穀事者夫人方陰蓄其貪心而公即徐捐其厚利在已有讓之實而令在人又無爭之名雖使素嘗問學者未必能曲中如是而公以樸魯得之豈其天資有默符者與迨惠隱公宜庵公承公德意而光大之以啟我中憲司成非偶然矣

福童公傳

玄極頓首識

福童公諱綸宗生公季子也公伯兄曰長童公仲兄曰員童公余
員童公後幸後父祖聞所為懿德獨詳不愧無文轍詮次而載諸
家譜矣至求長童公之行而其後人不足徵也則不敢妄有所誣
聊為志感憶云耳幸公後多文雅之彥必有徵公之詳者余雖不
及知公而闡揚之亦無事于余也於是為虛次以待而公曾孫文
麓掄 恩貢以歸述公平生而固索余傳之其言公之為博士諸
生非如今之營營暮夜者以鄉里薦強_補者也未幾而試高等沾
廩餼稍露其鋒穎矣而公意氣軒舉終不可羈以經生業其治家
致殷富也非如今之逐逐錐刀者嘗拾遺金于道自卜遺金者為
富翁乎是天以賜吾也吾必取之遺金者為貧于乎是天以試吾
也吾必還之後聞其人果貧也竟還金封識宛然如故臨卒之日
取所為文券無問貧不貧悉火之曰吾生之不假又胡假于此由
前所云則公不競名由後所云則公不競利余雖未之前聞而今
得聞于公之曾孫非無徵也因公之後以信公後之人必有信余

者矣

惠隱公傳

玄極頓首識

惠隱公諱琦行祥興員童公次子宗憲公大父也天性肫仁以施濟為己任有人餒已餒人凍已凍之慮粟在廩貫在籩悉推而與族鄰鄉里共見貧不能婚葬者必量為賙助有所稱貸率裂券不取償以故鄉人多倚仗之屬歲大侵出所藏粟分賑里閭數百石一朝而盡不給又為之收糴于四方隨糴隨施嘗未及門而粟舟已半罄矣其未罄者又時時從一童擔以自隨遍訪于里中或困餓不能興就其家作饘粥飼之里中人賴以全活者無下數百至自贍亦或不充取藜藿雜食而好施之心益堅人或諷之稍節蓄為詒後計公笑曰吾安能為此守財虜乎人以是益稱長者無論識不識皆呼為惠隱公余嘗尚論往昔若范忠宣以麥舟付曼卿時當文正公祿入既豐宜無難者至今且嘖嘖稱之如公罄其家未已又罄其粟舟歷困乏無渝志以視忠宣難易何如誠所謂岩

穴而篤行者也使得一命以行其志古之遺愛豈足道哉公之後
中憲公繼之至司成公而理學風猷聲施海內公所以詒之者厚
矣

玄孫玄極頓首識

辛興公傳

余于辛興公之後蓋不能無感云其亡者多無後幸有一二弱弟
又伶仃無以自存及攷公之平生則遠々退守人也彼其家有饒
貲蓋亦以種田藝圃黍稷而寸積之亦或雞豚牛羊之畜有茁壯
以助者非怙勢以攫人者等也世固有厭谿壑之心惜腸噬骨于
肺戚而子孫反以殷繁者如公後嗣而衰微乃爾豈餘慶餘殃之
說至是遂不驗乎抑後人或微有不足也張湯酷吏賴安世而七
代顯榮况其先號為良善者勉而循之安知衰者非盛所倚哉

玄極頓首識

志保公傳

志保公未詳何號員童公第四子惠隱公祥興弟也公生而志氣
不倫其保世承家可卜遂命名志保總總角便鍊世務稟性孝友

更好施見人有室乏嘗與兄祥興叅半濟之不計多寡斲于當急
每遇少年輩輒誦聖諭六句勸其脩行誼作好人公有牛數百頭
與人牧明正德間年歎甚十室九空有牧公牛者從公泣曰家懸
罄而歲更歎命且若何公曰救荒無竒策也無奈亦解牛度朝夕
可乎牧者返而解一牛無何又泣曰無益終歸死耳公曰其再解
之如是者再三牧牛四頭盡解得全活公不責其償其所行事大
率如此公年八十薦壽官娶程氏夫婦齊眉子五人全成立

曾孫義傑頓首識

觀音公傳

公諱瑤小名觀音號太峰宗生公之孫福童公第二子也公父夢
神贈双玉又塑觀音兩聖像入山門寺中遂生公名觀音又生公
弟名世積云先是公父福童公無子以兄員童子五祖為嗣而公
與弟則公父側室湯氏出也公父雖生公等然視五祖及公藹然
一體無間言而公承父志亦無間言至于田產之肥磽原隰寧有

餘于讓無寧不足于爭其與王友金昆不啻過之公性清簡和易與物無競足不輕履城市奉公率法遇青衣下鄉遠之為鬼朴嘗雅好碁山靜太古每行吟散步或離落野店之中叅差花石之畔偕老叟對枰三兩局尋閱中真趣了身外妄緣更不知人世間有秦漢桑海也其無懷氏之民與其葛天氏之民與

孫槁頓首識

瑯公傳

公諱瑯小名世積別號秀峰宗生公之孫綸公幼子也先是公父苦無子積德累行欣然以員童公第五子五祖繼祀顧復如已出未幾夢神人持双玉與之公側室湯氏遂生公兄瑤及公云公居家嘗曰面前自有好田地何必涉險巖履畏途哉于是課童僕力菑穡事終身不構一訟其偶往邑中直以供稅糧而已嘗有鬻田數十畝與公者其人恃其豪譎霸不與公業公直棄之不與較族中有髻年兒聰性能讀書貧靡能自給公為資其飲食費度曰聖

賢將相大率出此竹素中讀書識字不直不作白丁且不至作盲子奈何慳區不以鼓掖子公性最深花萼無角弓態事五祖尤恭謹釋耦俱伐經畫藹然如一胞焉公生六子曰演曰淵曰澄曰潮曰深曰瀾彬皆人傑也人益慕公世德云

曾孫元機頓首識

宜庵公傳

宜庵公諱義字伯宜一字以方惠隱公長子中憲公之父司成公大父也公承惠隱公好施之後家廩常不充遇里中飢輒傾其藏分賑之廩藏且匱又布筭廣收賑其所最急者至自食又匱取草根樹皮作粥以度朝夕猶念某家久絕炊煙若食之不得下咽者天性醇篤與惠隱公同而稍文以詩禮嘗延名師教其子仲叔並遊庠序司成公方在兒童既覘其大器令就外傅稍長又令之博訪名儒蓋文雅之脉已駸乎自公漸流衍矣居閔嘗閱玄女青囊等經為人相卜象形決趨避意未有幾微望報外貌恂謙

退而中實能擔當人有急難必為之挺身批解公姊丈令瑞金為
豪猾所誣構困囹圄公不憚伏闕申救至都門聞事雪罷歸忽有
白羊蹏于途作人語曰公累世積德公之後必有昌者歸而得烏
石山無何寢疾不起命營宅兆阡穴稍差夢中有神更定之得記
果如夢中所指此陶侃葬毋事頗相類未踰年而司成公遂顯里
中人以為陰地心地實兩應云余觀儒者所論天厚人之有德將
以興其家不當其世而特鍾于其後人多使之晦窮臆鬱以沒其
理似不可知也然非晦窮臆鬱以沒亦無以大發于其後此詘伸
消長之必然其理亦未嘗不可知也如或惠隱宜庵二公躬仁義
之德而終老岩穴中非所謂不可知者乎二公雖晦鬱而卒發于
我先司成將所未嘗不可知者其信乎顧司成公至貴顯矣際南
雍之會當以大禮覃恩適江陵不奔父喪掛冠歸第二公終不得
受寵光此其于理可知乎不可知乎抑二公知篤行其意非希身
後光榮雖晦鬱宜無憾焉是則二公之可知者而已

曾孫玄極頓首識

啟榮田昌光三公傳

高壽公非一人一曰啟榮公一曰田昌公一曰光公三公性恬澹又坦率無他腸日倘伴山水間不問稼穡終身未嘗作城郭遊夏則披襟岸幘向綠陰樹下散步乘風冬則負陽捫虱煨芋圍爐自過既皓首顏如童子目炯炯如丹漆步履如飛望之知其非世俗中人郡侯羅近溪公慕山門文脊之勝邀我中憲公共眺臨遂登堂為禮三公者偶過其門驚問曰安得公門外多神仙侶耶公應族叔耳問其年皆八十餘矣召而欲官之不應侯嘉嘆良久後啟榮公九十五而卒田昌公九十六而卒光公九十而卒啟榮公與田昌公為同胞兄弟光公則其同堂弟也一時兄弟並躋上壽人以為罕而田昌公子孫繁衍彬彬文學者獨多蓋全福云公懿行別有傳復與二公並稱志高壽也維時石馬塔有福祥公者亦年躋九十四里中人號四翁余幼慕神仙家河車烹煉等術嘆俗骨

不可與聞然歷觀丘長春白玉蟾之屬皆彼家所稱聞道者其于神氣升降烹煉熟矣乃不踰五七十年遽爾化去至如數公未嘗習聞玄牝綿亶守之不勤若養生者沉胡年各望百幾與喬松等也意或稟氣獨異抑冲澹之性與彼家有暗合者與

姪曾孫玄極頓首識

新庵公傳

新庵公諱田昌志保公第四子也公為人渾樸率真不拘邊幅而藹然仁厚之意可掬人見而親之尤厭紛囂詛詐少時嘗以里役一至邑中見市井之態若將免焉自是遂絕脛不至嘯傲烟霞洒然自得先是伯允積榮以賞甲于鄉及公饒而漸窘公敬承彌篤弟道昌為多子累歲時周給之凡里中有不足必量為賑賚需以舉火者數百家雅不愛置產業有鬻田于公者輒勸沮之曰鬻此安可糊口乎因佐其急令勿鬻或謂公胡不愛產曰產業第給衣食耳多則累後世無為也嘗有世豪窺泉水菴後陰地謀不

可得遂賂盜誣僧泣訴于公不吝揮金為暴白之生平退讓絕
不事牙角有侮之者寧啗以利不與較其厚德如此公廣額豐頤
腹垂膝下飲酒常數斗不乱啗彘首可一枚不餌醫藥亦無大疾
病年九十猶好與兒童嘲戲裸逐庭中若有會心處也或欲以杖
朝舉公麾而不顧後至九十六無疾而終初娶程氏生四子曰路
祥曰雪祥曰沛祥曰鵬祥皆先公卒繼娶胡氏與程並有內德後
生三子曰棟曰楷曰楠响其前子無間人以是賢之嘗事杵臼
中米跳躍如炙蔗狀貯之器復然密與公言公戒勿泄自後家日
起公薄榮進及族姪孫梓石歷仕中外嘗問候于公進止雍容悉
中禮度公慕重之曰讀書人當如此矣遂課其子棟補邑博諸生
棟子羲易亦補諸生遊太學公卒後楷之子羲偉楷之子羲教羲
祥楠之子羲傑羲佐沛祥之孫玄震相次遊太學邑庠里中人讚
其仁厚不朽世德發祥餘休當未艾云

孫羲傑頓首識

道昌公傳

吾宗有道昌公者正直不阿能持綱紀訓飭群子弟生十男子皆
競遵訓飭無一人跳軼于閑族或負衆使氣暴橫宗黨間稍有睚
眦至兄弟群呼拘懸考掠或逃匿戶內猶追不休門窓瓦壁過若
風雨莫出一語較者公聞之必正言庭斥莫不悚怍汗濕沾衣見
子姪有善事則握手獎誘不啻身有之又引古譬今令聞者躍然
感奮以是藉其餘波人益勉于為善而其最悍狠者亦恐、畏公
知不敢使聞于公嗟夫蓬麻殊墨自古况之以公為型為范而賢
者易與為善亦常理耳獨其徑直之性猶能使驚駭者零威彼非
豺虎之性將啗膚咏髓于骨肉肺腑之親者乎而公無所避忌何
也料鬚不免于口余今日猶咋舌為公危之矣公之子如五祥如
枝其後人克自樹立而餘或未必盡然論者遂以為報應或爽諺
有之善惡之報特爭遲早第需之天道豈真爽哉

玄極頓首識

淵公傳

公諱淵小名天祥別号樂田綸公之孫璠公第二子也公生而氣
岼不類凡兒方韶年即已能忼壯撐持門戶公之先歷傳謹厚鄉
里人多以為易與者公起而振刷之雖桀鷲無所避畏遂挽積弱
為一時里中雄凡族里會聚或群起喧呼公一揖趨坐無一人敢
譁于座者或般演雜劇舉場人笑舞若狂聞公叱咤聲無一人敢
譁于場者會邑侯不法邑人冒公名許告兩臺侯知非公意以三
百金賂公公卻不受曰彼奸民嫁禍止一人賍吏煽禍延一
邑吾寧甘一人之禍而救一邑耳竟挺然以齊民與長吏相質辨
于兩臺兩臺卒不能罪公而為公罷邑侯不法者以是邑中稱豪
傑必推公為翹楚無不人下嚴重之至問其事父母辭色溫如也
晨必躬而省曰曾起否夜必躬而省曰曾卧否或以事羈歸且過
夜半猶必就父母寢問安否蓋忼壯之氣又若或斂之矣公歿數
十年而名猶噴々邑中其峭直不阿直有偉丈夫之概云

玄極頓首識

金山公傳

金山公諱瀛行春九五祖公其父也公父為福童公後及有子多
媒藥之者賴福童公用日者語終善撫公父迨公生而父沒又以
媒藥公父者而媒藥公之置之度外惟修計然之術始治居積為
富人翁頤跡其處心往之寬厚不肯于利人或假公錢而負至再
假輒復應之多勸公勿復假者公曰彼非負我力不逮也儻因我
而獲舒必婦我矣厥後有終不負者亦有終負者而公應之如故
一里人負公錢不能償自請以夫婦婦公之不可其人曰余之婦
公之錢也請得賣婦以償公之不可其人終不忍負公密謀賣
婦公覺而讓之曰奈何以瑣之奪汝居室之愛吾還汝券其為夫
媿如初其人叩首泣謝而去踰年八十有五未嘗盛車從為富人
翁態時之獨步里陌中借貸者見之延具饗雖粗糲必盡歡以故
里貊人皆歸公長者余覽史傳所紀長者如償金認牛等事多奇

詭不情公未嘗驚竒節為名高而其處心寬厚如此雖長者何加
焉抑自貨殖取譏于孔子而後世遂不言治富嗟人亦安能無
所營而取給顧所以居積者何如耳倘如公之不苟雖權盈縮阜
財賄亦治生之常業曷可少哉公仲子梯以邑庠遊太學叔子禮
以掾貢授州倅諸孫義謨等相繼庠序未艾公有貽之者矣

玄極頓首識

寧峰公傳

公諱注小名備白号寧峰公曾祖宗生古貌古心有葛天氏民風
而祖綸以文雅為博士家所推重而父瑤復有潛德以迨于公
稟標樸茂不事粉飭而醇懿之性篤實之資更不墮迺祖父之德
緒焉公事父母曲謹誠愛自小至暮永得其歡心迨父卒而母且
老又病目盲公承懽益至每日寅起母未寤則必不遽出每候之
榻間親為攬衣恐其衣之燥濕無當母意也奉水漿則必手自調
染恐其溫寒不均也母之嗜厭喜怒無所不操無所不承常躬耕

隴下忽念至則淚濕禾土遂不暇終耕有眷瞻闈內而足不及俯
矣有依膝下而若嬰兒者矣由是毋起居自適不知目之為瞽
實賴公所幹旋者多焉迨毋卒而事先如父事嫂亦如母也先卒
嫂不能留所遺者三姪公撫之朝夕提携而勤教訓之苦已子無
異及長各為之婚娶業無新舊為之公及各居則以其已分下業
半貽三姪而自業半灼在里人耳目而里人之稱述迄今未艾
也嗣是公以分業之半復耕營居積循之數十年而家仍裕大都
由公之營繕拮据以至於是非若閻左豪右由巧取攫攘而得者
也公且雅好賑急樂施予里中借貸已而不給償者如平原君焚
券故事不可勝數遇里中長幼尊卑輒曲有禮意親舊不以貧見
踈交遊不以財見薄塾師醫士不以世遠見遺待宗族尤加恩厚
白首不渝性不喜飲對賓客陶然終日無倦容里中有不平事
輒為平之一切為里人解忿息爭尤多于是感公者多而誦公者
且遐也而公當日喏如也惴如也公之德器厚之至也夫公之先

世潛德几百年而篤生公。益行善不替年四十有九尚未有子公固不萌怨尤而為公籥天者群黃白搃。迺是年之孟春遠生文麓公焉文麓余之夫子而季弟之翁也夫子生而穎異公悅之稍長公授以經遂能文為枰石公許可益長公又不惜破產與之遊學從師夫子之二十年見知于邑候徐賓梧公得補博士弟子員越明年竟受廩聲藉。郡中而公教之彌篤夫子益承誨彌謹公嘗嘆曰余之姪西園督其子枰石為當代名臣族屬藉之光顯義方之譽不朽余何以使余子也若是夫子聞是言也誦讀不輟寒暑錢谷有無不問聲色不迤一殫力經術以副公意而夫子乃果四旬之餘遂。恩貢于國京師屬其名而里中期夫子者未央祝八者且未滿万一也丙申歲夫子有長嗣雲卿又首補博士弟子員夫子偕之與余輩同社而狀冒然而情油然而藝備然其又履夫子之後塵且超越之未可必也呀嗟是足以報公也與公配王氏生男二長為夫子季双科生女一適里中程氏側室注氏生

男一為林夫子娶汪連川君姪女生長孫義蛟娶邑庠生胡尚
賓女次孫義牧娶余堂允邦選女又次義官未聘長孫女適余季
弟邦甲亦謬側邑庠次女聘太學生汪應庚為媳又次女未字公
二男林娶鮑氏生孫義輔娶孫氏義軫義輜義輅義輶公之孺人
與公齊眉合葬于社屋冲而公生于正德戊辰二月初三日卒于
萬曆壬午四月十四日孺人王氏生于正德丁丑六月十七日卒
于萬曆壬午三月二十九日余托戚屬遊于夫子之門有年得次
其巔尾遂以紀公之大者而侯當世立言之士為之誌不朽焉

肯

皇明萬曆壬寅歲季夏之吉眷晚生包邦鳳頓首拜撰

柳溪公傳

吾太叔有柳溪公者諱潮又名天緣璠公第四子吾祖樂田公季
弟也公賦性聰慧有所覩記輒過目不忘時嘗偶坐書空指類畫
者吾祖樂田公見而問曰此作何等狀蓋不知公之書為字也公

亦不以實應故公善字一時搃管城者不能及諸神廟棟梁禍句
莫非公筆且尤好古詩自來名公韻集公腹便乃銘諸名家出
以新裁索數十首一揮而就而思猶勃如也家中四壁公書幾遍
而遺葉且盈積嘗登臨眺目遇會心處歸即寫景為圖為詩標題
其上凡經過店肆禪林皆留詩及畫蓋公尤長于丹青雖王維不
能右也見者咸稱為三絕云昔公父璠公卒十餘年公記憶之忽
描就而形像酷似生者至今我子孫如覩真面目是又公之巧心
足寄孝思于不朽也公後家食貧公唯事筆卿墨友吟風弄月以
自得而無他營焉故行年七十尚矍鑠如少壯時則固公之襟期瀟
灑能有以全其真也信乎若公者真可為隱君子矣誌云文眷一
帶山水極秀間必發為偉人意者其在公乎但公之聰敏獨豐于
身而不能以其餘貽子若孫惜夫

姪孫玄機頓首識

文科公傳

科漢公即文科公也公幼習戰陣之法善騎射力挽千鈞嘉靖丙寅間邑有礦寇為患事聞督撫檄募敢死士驅勦之公應募試騎射發無虛矢與同募者聯為陣伍教演數日進止不踰尺寸邑司馬甚多其能曰可以戰矣會侯與司馬故有隙忌其成功多裁芻糗以撓之寇聞公名又謀知芻糗不繼謀老其師相持者數日官兵皆枵腹寇一鼓重圍人困靡公猶挽弓射殺數十人矢盡猶手格數十人寇見公能執而欲降之公曰吾家世講忠義今日為人所阻撓恨不能剪汝頰肯從汝為賊耶罵不絕口遂遇害督撫聞之檄春秋祀于壇將廉其事請旌于朝侯格不果

姪孫玄極頓首識

中憲公傳

中憲公諱龍字文潛別号西園宜庵公冢子司成公父也公生而端謹醇慤於世俗媒嬖脂膏之態毫不以自點動若負繩履矩斤思蹈于義其為善也如飢之必食渴之必飲其不為不善如蠶

蠶之蠶而劔戟之交也自壯至老每夙興躬課僮僕其苦勞逸嘗共之衣不厭粗布食不厭蔬水室無侍媵館無博玩其澹嗜慾而勤率作實出至性非有勉而然與人坦夷真率必暴裏腑置其腹中未嘗以賢愚貴賤分畛畔有饗以壺觴者雖草具不拂其來有需以賑賚者雖懸罄不辜其望有加以非道者雖至橫逆能容不屑與計較買田宅必從其贏斂租息必從其薄大都務約已而豐人司成公未仕命從張本靜學已又命從歐文莊學既仕誠以無犯官常無侈共御無以權倖濡足無以請托徇情時校文兩浙有富人持千金求進其子弟公謝卻之人皆嘆曰未見不愛錢若公者司成公服官四方一稟庭訓自筮仕歷宦成節操風猷翕然朝野推重雖其挺然自立而公之豫教已獨至矣是公以篤行施于其家因以光啟其後為能闡暢其至德表著于官聯而不終晦沒于家脩蓋如此及公以司成貴貤封其為世情榮顯矣而公且樂嘉遯遺利勢不以官封自矜見近世貴人父兄飭剋帶都駟奴

日夜碌々專事結納造請以厚其交而多其勢或時節往來公府門入則偃々善詞色以媚出則揚々張眉目以矜心實鄙之絕不以刺々候府縣十餘年來束帶見賓客之日可數也蓋以為居官者不當私其家而居家者不知有其官其勵操尚又如此探其從來公非直篤行高尚已也陽明先生致知之學一傳而文莊入其奧再傳而本靜窺其藩世固群然交摘為異說而公以司成公從遊其于學術是非之微固以辨之最晰區々砥行礪操又惡足以盡公哉公以司成公貴封主事贈按察副使再贈南京太常寺少卿階中憲故稱中憲公云

孫玄極頓首識

彬公傳

宜庵公仲子曰彬者小名龍二中憲公仲弟也幼穎異不允中憲公嘗厚望之因自棄鉛槧代宜庵公搃家政令公就外傳公日記數千言每屬文有垂露之思懸河之勢無何補博士弟子員甚為有司所器重而公不自足勤讀至忘飡與寢中憲嘗以愛惜精神

唐氏宗譜
傳
為勸公曰吾兄日事胼胝令吾得優游典籍而不能刻厲以上報父兄吾羞為名教中罪人也為之益力竟以勞疾終公于詩畫無所不精尤善琴操每朋友至為一鼓高山流水之音恍若伯牙鍾子期再遇也公卒後詩畫琴譜皆散佚不傳

玄極頓首識

榜公傳

午溪公諱榜宜庵公第三子也中憲公叔弟也公幼治毛詩數百言一揮輒就弱冠補博士弟子員嘗試高等遊場屋嘆曰吾安能抱玉試此三日燒乎自是遂置鉛槧不事及司成公就外塾以經義呈覽于公一見大奇之謂其塾師曰子不能為吾姪師涇上有張本靜者真吾姪師也遂勸中憲公脩贄公親送之本靖先是夕夢一人襲衣博帶高坐中堂一人正笏垂紳戢然旁列及明而公送司成公至宛若夢中固知數有前定抑公愛姪之念神明已預鑒之矣及司成公敬歷中外每舉古名臣相期勉有干謁者悉

謝絕之人以是稱中憲難為兄午溪難為弟也

姪孫玄極頓首識

五員公傳

五員公諱標宜庵公第四子中憲公季弟也公承先世好施之後家無厚貽與中憲公相期勉振之兄弟五人友愛至長不忍析居苦舊址隘不能容更築新室始圖分析中憲公以長子當留人或間于公曰爾兄據地勝耳公正色曰同此一塊土孰為勝負且吾兄不惜百率以貽我輩爾安得故為此離間乎其人慚而退司成公方七歲公預卜其非凡兒勸中憲公令就外傳稍長負笈遠遊公嘗護其往來及貴顯不以一毫聲勢加人棲遲隴畝間力殖自贍或以數百金邀公乞援于司成公諭令速去毋玷吾姪清白也人以此益稱之公卒後叔子義顏子玄佐補邑庠博士弟子

姪孫玄極頓首識

線公傳

吾家有線公者長童公曾孫痛其父四保公以名字之悞為人所
誣逮枉斃圉圉益逡巡守常分里族或肆凌侮但口念弥陀嘻
嘻笑人戲之曰汝真弥陀耶亦嘻嘻笑卒有攘臂叫哮及門即縮
之閉戶避之諸弟有早歿者但存恤其遺孤其田產租息聽他弟
出入置不問人或勸曰盍不以撫孤獵美名而以占息收厚利乎
又低首口念弥陀于是弥陀之名著里中或業瞰人套人欲規便
易公即首肯及書契不索高價每歲時伏臘客讓之左而即從左
讓右亦從而右都不計較短長至非其酒雖邀與同席必引身起
走語曰葉落俱碎其首公之謂曰此豈獨有所懲而試哉亦其天
性然也至今評長童公子孫以公為第一人平生敦龐力穡田不
滿二十而園有餘禾享年八十餘而卒子孫駸駸乎日有進也倘
所云無論早晚根深枝遠者耶

定六公傳

玄極頓首識

公諱定六別號近峯啟榮第五子志保公之孫也公以忠厚自持
儉素自守勤敏自勵每誡其子出作入息務以葆元氣為本飲人
以和無疾言適色生平未嘗失禮于人性好靜坐稍能詩遇有解
悟輒隨口吟咏栩栩然自適公娶洪氏饒于慈從弟子義傑寄膝下
公與洪氏愛之不翅已出有高識預知休咎嘗曰吾年且七十並
未睹怪異事第吾所居新構宇房中夜逮二更忽柱上有火青赤
色如螢光流地下即沒吾于床褥間醒候之夜復然起按以手
不燃踰手入地又一日步庭中日冥矣俄而有一物狀似黑色鷄
環走其前逐之趨鄰族兄家尾而問應曰無鷄也公不言而返始
言于人僉謂誕卒而族兄家損丁公沒未幾鄰失火延公新構宇
皆焚迺驗公言如此見公高識云

機公傳

姪義傑頓首識

公諱機小名老七宜庵公幼子也公生而長厚天性孝友宜庵公

屠以宗譜
傳
十一
尤愛之以與族黨油然鬻競不作於念尤恤孤好施以致家業
蕭條而處之泰然絕無愠尤意惜乎享年不永竟貧晦以卒識者
謂不報于其身必報于其子孫固宜其子叟之善繼而教子一經
後且未可量也

滿六公傳

姪孫玄管頓首識

公諱滿六別號竹山正孫公仲子也曾祖長童公歷三世以適于
公世秉躬稼公性樸茂好善與物無競足不輕履城市奉公率法
有先民風自蚤年喪父貲業零微公竭力耕田以供母養為能得
其懽豫而家業日漸豐公季弟滿七蚤沒妻不能留姪倫二甫四
歲公撫之朝夕提携若已子無異從弟若欽若華祥皆蚤沒欽子
羲朝華祥子五壽並幼母或留或去並孤貧公撫之亦朝夕提携
若已子無異俟其長罄貽產還之三姪里人嘖嘖稱之晚年好佛
喜與淄黃家遊凡族里脩設齋醮即齋誠往就之要非口誦弥陀

也者居間勸人作善事証以經典為所勸化而善良者甚多倘所稱吾族隱君子乎公享年八十有餘而子若孫繁盛未艾論者以為好善之報云

弟槁頰首識

沛祥公傳

公諱沛祥別號文溪志保公之孫新庵公第三子也初新庵娶程氏生四子露祥雪祥沛祥鵬祥獨公稱白眉逮長多籌略精敏勤餘內課農桑外持門戶動有成謀故新庵公專以出入委之公亦不私囊橐新庵公不煩握算而家日殷上厚者公之力也新庵公性寬厚雅不喜為陰陽網絡以厭谿心公能以意承之嘗代新庵公輸米于官歸其羨途中遇飢者輒以饋之歸以語新庵公曰正合吾意新庵公不煩人煦人賚而鄉里嘖嘖稱之者公善承之力也天性孝友事父母誠謹曲至母卒事繼母胡氏如其母撫異母弟如其同母弟毫無間言胡氏所生弟惟棟最長又最穎異公奇之勸新庵公令從學為之延名師聚古今圖書數百卷俾知所博

涉厥後棟遊庠序為知名士又公成就之力也公同母兄雪祥及弟鵬祥病羸公問侍延醫無所不至及卒摧痛過傷又家務悉總于公無可委者尋亦感病三十六而終人皆惜之公初娶宣城洪氏無出繼娶奚氏生睿生玄震玄霽猶幸一脉綿云

孫玄震頓首識

堂九公傳

公諱栢行堂九別號東園志保公之孫伏仁公第四子也公貌昂然美髭髯嬉怡惻款人望之輒敬且慕敏于料事見本可以知未故動有經畫無躓者性剛直不依阿萋菴先是公父所貽產業猶弗饒于用逮岐烟公力督襁襪杜漏卮以故賞且陳而家聲用是不墮矣處心若衡遇閤中有囂陵類為慰解尤睦宗族至母黨妻黨有燃眉亦屢為給之而一諾于人雖千金不易也公尤憫儻允于姻婭金蘭輒顧其廬者不吝留觴畢款雅尚詩禮延師課二子甚諄篤而不意竟齋志後子羲萃及孫玄彌皆掾貢壽七十

七終于正寢

義傑頓首識

南園公傳

南園公者諱槐行堯六字子植金山公長子也生加靖之甲午年金山公初艱于子每隨事脩德庶取而好施不數年夢神人植槐于廷且囑之曰汝後宜昌是年即生公故因以槐名焉公生而魁梧蒼古然賦性朴實不長于口父命就傳讀書自揣看魯不能卒業旋即棄之曰讀書不過要做好人我在鄉間做好百姓即此是學何必功名富貴乃為榮施哉于是挹清資于渭濱絕机心于漢渚日事于稼圃園林澹如也其處家大都以勤儉居積致富至若權子母而收至期之息則不欲迫人于險人或告之急其事出不得已則雖其人屢負未償亦必竭囊應之是以人多樂與終不忍負寧俗好訟吾鄉尤甚然公庭莫一觀公之跡胥隸莫一造公之門非直公不與人競即人亦無與公競也又好行陰德憫窮乏萬曆己卯年歲飢流離載道公出倉粟賑之多所存活後戊子年復

飢又賑之如此者三時朝廷有例民間能出粟賑飢者許給以冠帶驟宰聞公賢欲錫之公堅辭不受又篤于孝友先年公父病公為之求醫繭足夜行遇虎不怯虎亦佯去人皆以為孝心所祐再事繼母如生母然母亦視公不啻已出公弟二人曰梯曰禮友愛肫，終身無一忤顏舉四子一女仲子遊庠序叔子則令之從蕭曹業季子亦欣，有不忘凌霄之想公之後嗣其疇能量之則植槐之夢發祥當有自耳公壽六十七子萬曆辛丑之正月即世嗟哉公逝矣公之報將在其裔乎實未逝也余不佞年逾三十竟未嘗一覩公顏色此果公之寡合耶抑亦余之寡合耶余固知公非翬然者顧余族與公家累婚世戚公長郎幼郎俱屬余家姪婿且兩家居址比近余飲公之馨以矣如公者誠可以風也故為之序其生平以繼隱德云

譜曰

降精葛天毓靈文眷玄牝托根虛舟泯拔貌古蒼松心空塵世樂

寄林泉跡遠市邑賑飢辭榮走虎愈疾恩被流離孝感冥契生兆
夢槐沒垂赫奕啟我後人寢昌勿替

從礪山人鮑欽詔撰

棟公傳

公諱棟字子用號元峰志保公之孫田昌公第五子也公靈穎夙
成及長博學善屬文補邑增廣生公留心舉子業嘗聯社山門鳩
一時名友朝夕課菽捃藻彩絕無自足念下筆矢口而成數千
言不踰時頓就聲振黌序中遇考累高等嘗蹶場屋公退而益下
帷奮勵而不意竟弗偶世人皆為公悼惜云公為人正直中有忠
厚方嚴中有圓融觀人有註誤輒毅色砭之少焉即與事化至自
執其是雖賁育不能奪也處家一頓笑不苟夫婦敬如賓御童僕
俱有規矩事無巨若細精神皆到不避強右侮孱弱平以率物人
靡不允服故一時無長稚內外憚公正大咸易媒褻為誌飭云使
以若等丰裁縮符立朝宁寧若發蒙振落者匹哉人有匱乏捐貲

賑之無難色稍有貸亦不拘子母故憚公者復雅慕公于青
 雲莫吐氣慨至曰吾以腹笥貽後苟後顯猶吾顯也遂進諸子而
 課又進諸姪若孫而課之蓋翩翩玉樹其素所雅志也故論者謂
 公遇事敢言見蠹靡畏嚙齟文林後學型式重如喬岳皎如白日
 過而不留浪花旋息嗚呼此可以稍概公矣

姪義傑頓首識

司成公傳

司成公諱義英字淳卿學者稱為枰石先生中憲公長子也公生
 之先一夕虹光燭文脊里良久不散卜之為文明之象當有大儒
 出而名世者已而公生自兒童端標慧性誦經史日百千言一口
 恍然有悟于聖賢之學謂經生家不足為取瀛洛閩閩及王薛陳
 胡遺書讀之與致知之旨深有契會發為文詞多自得語十五補
 諸生郡守黎侯試以志伊學頽題發明志學合一深器重之督學
 午山馮公寄其文以示荆川唐公驚曰之子非直高才必學有心

得者名以是藉起而公嘗歎然不自足聞歐陽文莊公偈道留
都欣然徃從之遊益信致知為作聖之要學日邃嘉靖丙辰登進
士授農部主政時分宜當路以詮曹啖公不屈由是遲回副正
郎在地省者幾十年理邊糶而卻中丞餽贖數百金監兌山以東
河以南而寬數萬生靈旦夕之命視淮庾而蠹竇盡杜狡獪不能
為奸還與大司農共籌國計條屯田子粒軍兌羨餘闕廬課稅等
事上之一時撫臣有所條奏事關錢穀

廟謨必取決于大司農大司農必取決于公蓋犁然經畧遠垂馬會
石麓李公為大宗伯素重公得調祠部郎中時

世廟日勤禱祀諸方士以禱祀進者實繁有徒公度

聖意不可回而裁抑方士妄言蠱惑者使不得進乃多乞憐于慈谿
慈谿席

世廟眷于諸曹無不侵軼獨公不少徇陰啣公出視兩浙學政時兩
浙士習極敝公毅然以返朴還淳為已任慎師模培士氣正鄉祀

嚴鄉飲毀淫祠立社學申良知之教刊布禮輯士翕然遵之頽俗
丕變有鄒魯之風及督學四川亦以兩浙之教之遂由叅藩入
為太僕鴻臚疏復種馬疏飭朝儀多見采納未幾以脾疾乞南補
南太常少卿尋遷光祿晉太常卿司成南雍六館之士競咸若
于訓一時振飭改觀會江陵父喪九列望風疏留要公附名公執
不可投筆拒之曰吾安能以明倫之官而媚人以無倫乎江陵聞
而怒諷省臣論劾公遂拜疏乞休飄然退耕宛水時江陵猶以
聲望相引重每郡邑長吏上計必首詢公而終無書政府徜徉
山門者五年郡邑長吏罕識其面鄉人至以屠夫子稱其節行昭
如此撫按臺省交章薦叙者十餘上為江陵所格事遂寢江陵
敗方儀

賜環而公已不可作朝野惜之余竊疑今之學者談性命多深入于
玄虛課躬行多濶略于名檢自以為員融與道無礙而不知其去
道遠甚下至榮祿之士希慕名高亦紛馬求入而附之矣惟公

學耻俗儒以良知為本體以致知為功夫而以人倫日用為體驗故處屋漏若明顯對妻孥若大賓庸行庸言若有成度推而剔歷中外所在有徵語任事則肝膽必竭語執法則山岳難移寒冰苦蘄不足况其操持春風時雨不足况其教誨而其大節凜々至分宜啗之不屈慈谿撼之不屈江陵援之終不屈真若龍門砥柱者然盖卓有實詣非虛談者可同日語也一時名公或稱其理學與濂洛閩閩並駕文章與賈晁劉董分曹或稱其有伊川之方嚴而濟以明道之和粹有薛文清之篤信而兼以王文成之經濟盖心衷聖印而屹然立群儒之極也豈不然哉

不孝孤玄極頓首識

靈巖公傳

靈巖公諱義民字皞卿中憲公仲子司成公弟也公幼聞司成公之教于經史無所不窺十六補博士諸生每試必高等有司甚器重之郡守羅近溪公關志學書院檄六邑士相與申明理學以公

為首公應檄自講學課文之外未嘗一千外事羅蓋重其為人聞于繡衣使者特以旗扁旌行公閣不懸後進傾慕之爭以及門為幸書舍隘不能容乃假館山門禪寺每開講環寺而聽者百餘人至今知名之士多出其門下方是時唾手青雲而竟厄一第乃益下帷憤勵又家務無巨細皆親決不以委人遂積瘁成疾年四十四而終司成公哭之曰學已成而志未遂家已裕而身不享惜夫

姪玄極頓首識

雲谷公傳

雲谷公諱羲愚字直卿高壽武公孫也公幼講周易于灵岩公長而博士弟子于經義稍上涉獵非其好也終日正襟端坐亦不問家人生產天性鯁介不可以非礼干司成公性不苟合顧獨重公及督學四川携公攝内政公肅飭僕從甚有裨于閩防寮友聞其名請見公謝不輕出其自重如此歸謂其妻子曰汝等嘗劝我呻吟今益知冠蓋之勞不如吾韋布之適也自後悠々里第絕意進

取族有平聞于公為割其曲直略無依阿人稱三代遺直云

姪玄極頓首識

養冲公傳

養冲公諱玄祚字昌孺司成公冢子也幼負異質承司成公家學通周易及子史百家言弱冠補士諸生高等凡七舉不第而志不少挫天性孝友又負綜紀之才司成公登進士筮仕他省剔歷中外二十餘年未嘗以家累公上事楊恭人下與不才弟玄極輩共研經史輒得楊恭人驩不知司成公之在外也自其童年代司成公搃家政無巨細輒報可卒乃聽公厝畫不復置問得一心以共王事不知楊恭人及孤兄弟之在家也總之藉公孝友匡助之力居多厥後與不才輩異爨猶若同爨時每事輒總紀之即宗族有故無不綜析其敏練類如此幼與胡寧陽友善及寧陽沒于科舉以遺腹托公後生女竟約為婚姻里中聞之嘆曰未見生死不二心如公者與人不立畛域而賢不妒列毫分事或不平公一言割

解各輸情而退性好賙人急宗黨有不足盡仰賴于公不刺
子母間其忠直篤厚又如此平生無他好而胸次偷酒每雨霽天
和從諸父老坐草石綠樹交陰清風徐來開襟岸幘論說新舊短
長事纒不厭日以為常或散步隴畝之間逢田夫野叟問農家
所疾苦慇懃慰勞道遙忘歸雅不善酒遇親知務盡歡洽談笑詠
歌竟日夕忘倦望之有脫然世味之趣而內性檢飭嘗曰大丈夫
不能流鴻樹駿于青雲之上亦當砥淑礪操式鄉閭模範來驥乃
日表經傳格言揭其垣墉以自迪嗟以公之才而不及大成以
公之德而不躋上壽艾年遽捐館舍遠邇聞之無不流涕者悲哉

弟玄極頓首識

小七公南公合傳

小七公諱梯字念恒予曾祖南公之父也公性友爱兄堯六公弟李八公上獨有志詩書由邑庠生入太學堯六公先卒李八公宦居於外其先義男有一地族有規獲者公諗知其為佳城遂不許即塋其母汪孺人隨命其兄堯六公祔之又命堯六公之長子義忠公亦祔之郎今螺獅形地是也迨李八公宦歸嗔公以其地偏與伯兄父子厝焉遂闢於墻公謹避之不以為意其後不暮年而公家有稻飛來之瑞人咸以為義氣所致云若南公諱義周字文卿小七公之冢子秉姿卓異一目能下數行少有大志因小七公即世公之弟修公尚少公內總家政外持門戶乃捐資緣入太學又其時為糧里累遂令其家業稍衰公初不以累弟訖分產則以向所驚於人之田地盡引入已分下而後與弟分之以故修公家殷庶而公之家業益以不振向使公以所驚之產與弟均派而以其所存者均分人亦豈以為過哉然公卒未嘗有悔心之萌也何

其與小七公之友愛兄弟如出一轍焉又况家業雖微而於人所
貨券不及償者悉就於其人之家焚之則其時其境尤為人之所
難能者乎先年葺譜之初兩公故在未有以其事載入者迄今人
猶稱道之勿衰迨三傳而其孫予父與予叔兄弟又以尚義並著
焉

五岳公傳

元孫應銓頓首識

五岳公諱義傑字俊卿田昌公之孫保七公之冢子也公性孝友
苦志肄業目不輟翰手不停批然公之志不僅攻時藝而已也雅
好力為古學由經史及諸子百家氏言靡不博覽淹貫卽其通鑑
一冊生平嘗手錄者三次為諸生時名噪文壇奈天限其遇僅膺
一貢後授教職例由親往銓部堂過銓部聞唱公名驚問曰某非
為不違農時二句題文之屠義傑耶公對曰是也銓部謂本部自
試童子場卽讀其文耽玩不忍釋手某今猶在以此作斯末秩耶為

歎息者久之及簽得廬州教職公以路遠不願往辭銓部破格許
公更拈一簽又得鳳陽教職其路愈遠公遂卒辭其職歸家迪子
課孫冢子元維公為邑庠生次元獬公亦邑庠生孫紹琰紹琛亦
皆遊庠即今孫子螯詩書有繼予既欣公之有後而於公之遇
竊不能不為之扼腕云

姪曾孫應銓頓首識

義輻公傳

屠於寧邑為著姓前明多顯宦老師宿儒至於今不衰蓋世沐詩
書之澤父兄之教先子弟之率謹雖不事誦讀者亦皆懷忠抱慤
節儉急公號為醇俗若駐鄉公者諱義輻別號駐鄉尤其質直好
義壹_七敦行者也孝友足以風世忠信足以服人老於青山白雲
而任真自得終身無涼薄之行一門無爭競之事鄉里之爭競者
得公一言可立釋其敦本睦族之誼然諾不欺之概非有意服人
自固不服也當歎年時里有八十人往杜遷鎮預支薑銀皆托

公名其客以為欺而恐負也主人曰既為駐鄉所使八十人猶一人耳庸何傷悉如數與之至薑期竟無一人負焉嗟乎八十人假一人之名以活生而不忍負主人信一人之不負而給銀與八十人非平日之忠信服人何以若是公雖不事誦讀而敦行不愧於君子殆韓昌黎所稱古貌又古心者耶公之奕葉蕃盛悉樸茂無華庶幾克承遺範者至於公之支派及生卒年月與夫子姓名字具詳其家乘茲不復叙惟紀公之立身行已得之故老傳聞者約畧如此云

皆

皇清雍正己酉中秋日

嫻末宣城梅文矩拜首謹譔

東里公傳

公諱羲美字中卿金山公之孫南園公之三子也聞金山公艱嗣而好施夢神人樹槐于庭是時郎誕南園諱槐公故以名焉南園公念父好施已應兆生而志行善值萬曆年間屢飢而屢出粟賑之者三宜盛德之後必有達人如公也者性生明哲行篤仁厚務以謹承祖若父之世德于勿替少也嘗為邑吏矣他人而處蕭曹業莫不日以賄來為事公則曰我先世捐已資以賑人飢我何思索人財以肥己享獨肥然惟憫人難解人紛之是矢爾時都人士咸嘖々交稱曰公門中罕見有盛德仁人如某々之一人及後歸課農事家愈居積富有連阡搃朴儉謙和不作一富態自身之衣食日用寧甘淡泊族屬戚黨悉加厚焉遇一有困乏告急輒濟之橫直數十里先後數十年待以舉火者幾許家從不斲升斗之需公淑配汪氏太孺人賢而內助奉丈夫子三長曰玄鵬公次曰玄鶚公季曰玄旨公夙昔義方之訓不勝述一日者招聚坐前囑曰

人生世上生寄死歸宛見旗籬盈庭請乘以去不必泣下謹聽予
言我祖父世忠厚傳家以我自反生平兢猶恐姿今而后知
兔夫這責在爾後人識之可檢篋中貸卷焚之至祖所貽予所置
間有所執未楚山則讓界田則讓畔萬勿與爭以傷厚道家風
遠左右鄰聞有鼓樂聲訝曰異哉是聲也胡為乎來哉走問視之
正公言畢而仙逝則知為迎公離塵世而歸天府群歎微公從前
至性有過人而格天烏得此徵應余生也晚而居甚近與公家世
好世戚即余長兄亦屬公之玄孫壻且公之孫有載厚諸公會延
余以誨子姪故聞之稔慕之素而樂為之序以表其仁厚之世德
云

昔

雍正己酉陽月望日

眷晚生汪渠成拜撰

太九公傳



太九公諱元極字稗真司成公次子也善作文氣骨直追古人不同於俗惟唐荆川湯霍林目公為才子餘罕有識者一日歲試回宿方家冲山舍夢闕帝與語曰改春秋便中魁起見有闕帝画與夢相符因負以歸讀書廖池文昌樓三年足不履地夜魁星來戲光烛天遠見者以為失火來救卽戶竊視之則魁星也萬曆二十八年庚子中春秋第一壬寅歲痛兄元祚之沒猶未成父志因發遺篋於司成公在官所記載者謀諸族之父老從而續之譜遂成內分容執敬別雖同姓例附編末然無不縷晰條分明若指掌不致有疑似真偽之淆蓋以篤本族之親也而卽以防各派之紊入也立法甚良且善矣後之人使非有公則文獻無徵雖欲考其世德其孰從而知之則甚矣公譜之作其足使千百世後本一氣為流通不致有贅瘤者皆公之力也其有賴於公非淺小矣甲辰登苑鳳來榜進士遂由南京評事轉江西南安府知府署御史事南安之有名者無不慕公之才則公之足以取重者固不第家譜之

作已也雖然家之有譜猶國之有史以族而有公又有公之才則譜之無異於信史明矣而公之所以為光於一族者豈其微哉因不禁為之讚曰靈囀獨闢境虛空才子天生文脊中能使魁星來點額遂將筆陣掃群雄特明譜系清端委尤著源流別異同百世本支真一氣公誠千載有光風

元姪孫承秀頓首識

宅虞公傳

人之所以名者非富貴功名赫々然震驚於人之謂也德澤傳於後世名斯永之矣若我姑太翁宅虞屠公者固不以人世之名為名而自有可名者在也迄於今老父之所傳聞鄉黨之所稱述恍乎如昨焉已酉歲屠族有譜事之舉予與姑太翁孫承秀遇於金陵因囑予為贊予曰如姑太翁者何用贊亦何必贊其所稱述而流傳者即是也太翁諱元圭字禹錫號宅虞司成公之三子與仲元元極同舉萬曆庚子科一百三十九名辛丑會試副考欲掄翁

為元與正考爭之甚力正考將置翁第二副考必欲得元因中乙榜不就衆莫不咨嗟歎息而翁毫不以介意翁為人厚重有餘事父司成公與母楊氏恭人至孝及司成公宦時翁與兄元極家居最友愛日談經史辨格物致知之學俸則棋一枰聲錚然詩一草韻鏗然處鄉黨恂恂有禮毫不作富貴子弟態及兄為江西南安府知府翁獨家居閉戶不出左圖右書蕭然自適數十年未嘗一履公庭其秉禮守義自淡然於執分有如此而翁之配高氏即吾姑太母也尤慤慤致意贊公積德於子孫喜施捨無宦情然則太翁之可以出仕而甘嘉遜恬退者雖抱道自重使然吾姑太母亦與有助焉予所耳熟者若是因即以此以贊之曰宛水之南文峰之東天生配耦莫之與同乾剛純粹坤德黃中抱道自重樂善無窮守真率性太古醇風

宣城後潭表姪曾孫高望頓首拜撰

柱中公傳

柱中公諱元諧字弼儒靈巖四子也公正直不阿秉禮守義行古道不人是我是人非我非如世人隨波逐流凡所論斷必衷諸義見人之善與之同清惡人之不善與之同濁以故族人皆憚公之嚴正及公掌祠政當春冬二祭案盛必潔禮貌必虔儼乎若祖宗之在上而為之對越焉左昭右穆階次無容紊亂非辰一公後不許入祠拜跪蓋清介之操足以與頑立懦有如是者真令人企慕之無窮也耶

玄姪孫承秀頓首識

張儒公傳

從來士君子之名傳當時聲施後世者德為重文次之貌固非所取也若吾鄉張儒屠先生其德與文又何嘗不與貌而俱傳歟



聞公身長九尺腰濶一圍偉然丈夫也卽少就童子試例遵跪場
公獨出人頭地文衡疑其玩法及察寔而知其人長乃爾遂試以
文藝閱而嘆曰子之貌表上出塵士林中鶴立雞羣也文亦如之
拔之以冠多士公之博學能文因是而傳有堂叔諱義偉者身沒
宦署其子年少難以奔喪歸里公卽束行裝雇車傭奔赴任所叩
呈頌狀縣令一見而異之羨其狀貌魁梧丰姿俊秀真奇士也因
厚錫多金扶觀歸故里族黨稱為羨牽至今嘖上不衰公令嗣有
二長石函次猷元俱邑庠名彥石函耄年其子幼成延溥教子文
繡溥因得日親其道貌聆其德音竊以為有得於公之家法者良
多卽今文繡品行端楷學素精專亦孰非公之家風所積而貽焉
者乎則卽其後嗣之繩武而公之文行愈可想見矣孰謂公獨以
貌傳者歟

姪甥孫梅仁溥頓首拜撰

文峰公傳

文峰公諱元煥字天章小七公之孫南公之仲子也公之伯兄元揚公自母孺人包氏出公與弟元開公暨少弟元將公則同出於繼母朱氏孺人也公自父分產之日家業冷落公與弟輩三人矢志各力本業其家聲亦稍上漸振顧公之所處則有獨難焉者公之伯兄既卒則公已居冢子之位凡事之在門以內者皆公主之公性至孝嘗以割股療母孺人之疾人以是咸信公為仁人凡鄉鄰有事又無不皆仗公是內外之事俱任之於公一人也公資最優過目輒不忘及入泮名居寧學第一人遇考累高等而無奈屢蹶場屋康熙丙午科功令忽易八股為時論公方日記數千言以待謂時論可不拘邊幅得抒宏詞以見其所學迨往應江南鄉試時人以其學其行是卜咸以為此行也必在英雄入彀之中矣乃



孰意輒染疾不能入場而歸。上即以不起而齋志以歿。噫殆孔聖臨河而返者所謂其命也夫。

孫應銓頓首識

彩珍公傳

公諱元錕字彩珍族尊稱為大太公。家世有大壽曾祖田昌公其懿行淳風載在家乘甚悉。獲享年九十有六。大守羅近溪先生嘗至司成公家見其龐眉皓首為之起敬且歎羨其為仙。其妣胡孺人亦享年八十有七。祖保六公克遵前緒與其妣梅孺人生同庚。壽皆並逾古稀。邑侯廉知公有善行特奉鄉飲大賓。父六四公予親見其古朴淳實常嬉笑自如其妣鮑孺人年長一歲。壽登八旬而六四公且至八十有八。邑侯亦奉鄉飲大賓。公為六四公之冢子其所處以守成而兼創業視前人為少露圭角然而其璞終未漓也。公持身不苟言笑與人相接不立崖岸不市息沽名視人有急亦隨分調之。至鄉党有爭者公遇之每悉化為無事待故舊。

親戚始終無二御童僕咸令之訢如持家勤而有道席履豐盈
終身逸樂其妣鮑孺人亦與公生同庚在孺人卒之年已過八旬
公猶悲傷之切而公之精神力量老而不衰至享年九十有三幾
與田昌公之寿等 天子崇老尚齒黃衣屢錫其禮數且以次而
加隆焉何其耄耄集於公之一家乎此無異故由公之世有令德
也公生男五長紹溥由邑庠生入太學次紹洵業儒次紹瀚紹灝
紹浚俱以淳厚為族所推女三長瑞姑適潘村貢士梅家大次祥
姑適小胡村庠生胡曾璜三福姑適仙都憲之曾孫庠生仙祖縉
孫男十一人應卓應榮應林紹溥出應森應策應槐紹洵出應松
紹瀚出應杲應樞應棚紹灝出應柱紹浚出曾孫七人其繼起者
且方來未艾三多之祝公皆獲其全里人羨之而予謂亦可號大
太公為世寿公云

愷若公傳

姪孫應銓頓首識

愷若公諱紹學字士際號鮑親崇禎元年拔貢十七年授湖廣隕陽府上津知縣與乾坤何等時哉而公無所顧忌銳然一往得毋有味於先幾之哲與雖然食人之祿者忠人之事公之為人所不能為者義也及任不數月遭流賊張憲忠之難兵圍城陷死之嗚呼予覽明史至崇禎之末執政者多望風逃避公以_可以隱而出出而城陷死之亦可謂完人矣

元姪孫承秀頓首識

張六公傳

張六公諱紹中字孟孚元誕公之冢子靈巖公孫也自靈巖公居澄清公後移居東山相去不里許公為人忠實渾朴溫厚寬仁有長者度少好學治易經補邑庠生尋高試優等食廩膺順治庚寅年歲貢一生惟知潛心立索不涉外事流風餘韻迄今猶有聞而慕之者公娶方氏生二子長應台次應盤迄今杖葉繁茂公孫彰徵敦厚和平古貌古心亦與公相類生五子丹齡順齡皆業儒則

公之後裔駿亡乎不可量矣孰非公之德與祖靈嚴公之孝有以積厚而流光也哉

姪元孫承秀頓首識

載厚公傳

公諱紹坤字載厚義美公之孫元輝公之仲子而堯六公之曾孫也公素朴直古貌古心不喜華飾亦不喜飲其性惟耽種植自其先世故有山阜園林之貽公益廣其蘊制躬自興養凡松杉檉竹以及百卉之有用者無不物土之宜而布之且其栽培有方一經公手又無不敏樹者家居自課桑麻而外有暇卽入山林雖重巒峻嶺公登之若履平地至老不衰其蓄養之夥四方有構室者咸取材於公之家而鄉里之待薪樵以卒火者亦所在多有公之種植之及人也亦盛矣哉然公生平惟自食其力苟非已之所有者一毫莫取乃卒以此致饒裕而優游泉谷葆其天真享年八十有三得受朝廷養老之賜躬被黃衣禮勤邑宰不亦美哉以視世

之炫耀服飾飲酒自豪不勤本業而多為作喪以自速斃者其於人之矣不肖為何如也

姪應銓頓首識

石門公傳

石門師諱紹樟字呂功為予家眷族予又從遊學於是知公穎悟夙成童年初為文厥祖文河公即袖其文出以示人曰吾又得一佳孫矣後博極經史力為古文不屑效時下莪上之言天特老其才年幾四十始遊庠公之為人端方自持自公事外足跡未嘗至公庭入敦孝友出為人師四方之士凡受業者公隨其實之高下學之淺深莫不使之皆有所就而成名士者居多寧邑侯陳公河南咸尊之為陳夫子嘗試公之及門輩文而歎公為善教公之學行文教為何如哉足以著當時傳後世有如此公初艱於嗣師母鮑氏孺人夢入文脊殿求神其神語曰汝有一子即今世兄望予故皆家學有淵源予不敏叨附南宮不能忘教澤之所自幸屠修

屠氏宗譜
傳
家乘叙其本末以誌之

雍正七年歲次己酉孟秋之吉

宣城受業門生施翔龍頓首百拜誤

今三公傳

先生諱紹才字今三其先傳出趙宋之宗室宋社屋後變姓名隱
寧陽之屠村為屠氏有明以來世為吾邑著姓曾祖小七公祖南
公父天章公並有令德先生天章公之冢子也性孝友淳質不事
文飾少事母胡孺人能竭其力躬侍寢處晨昏飲食弗親弗適寒
暑率以為常胡孺人壽逾八袞先生年已及耆終服習不衰偕弟
南尤先生友愛備至七老猶同居共爨數十年如一日未嘗有疾



言遽色後以食衆事煩而弟未獲嗣恐以家計累弟始為分異家
庭之中融_上洩_上共樂太和烏待諸父昆弟恩義踰等倫居鄉党
歲時伏臘飲歡道故無不各協其意家僅自給遇有空乏者輒隨
分賙之族有姪鬻為僧先生憫其情不惜破囊為之贖還更善為
排解里閭有紛爭得先生即渙然冰釋與人接和平而剛斷童僕
輩無不畏其莊而戴其慈性最靈穎幼學為制藝援筆立就然非
先生好也時風氣文尚軟美而先生之文高古澗穆奉以應試若
柄鑿不相入遂棄去不復就試惟閉門讀古載籍課諸子為娛樂
人或以不獲邀青紫為先生惜而先生處之恬如也年六十有二
卒於家卒之日遠近聞者多至隕涕蓋先生之至性有足以感動
人者故人之悲思至沒世而愈不忘也先生配戴氏生男三長應
銓由本學廩生登雍正癸卯年歲進士次應元本學增廣生次應
鐸學業甫成蚤世生女一適同邑庠生山頭鮑是午續配劉氏生
男一應維亦業儒孫男治徵淳徵淑徵俱銓出涵徵泓徵元出演

徵鐸出江徵淮徵河徵漢徵俱維出曾孫三人其繼起正未艾云
程書曰先生之子應銓與予生同庚長同食餼於庠以文行為吾
鄉祭酒焉故得以知先生之詳而誌之如此

肯

雍正六年歲在戊申仲冬之吉

特授文林郎署江南太倉州嘉定縣教諭事眷晚生程書頓首拜撰

南尤公傳

公諱紹最字南尤吾父之弟也公與吾父性友愛其他未遑以一
二數郎兩人各從其事始有異處否則竟日同居一堂不入私室
公年幾五十未舉子猶與吾父共爨不忍分居其視吾兄弟不啻
猶子為吾兄弟延師從學凡遇饌食造館公必為之親授不槩以



諉童僕而吾或往郡邑暨文宗就試公自躬往送者居多誠愛之至也此時豈嘗逆計其後當有子哉乃以四十有七之年始置側室虞氏越五十有六而舉一子名應銓亦已晚矣而且卒能視其子成立完其婚娶享年七十有六而考終焉則天之報施義氣人也曷嘗爽耶予故為之序其巔末以志予之悲思使夫為弟為兄者得以觀覽焉

姪應銓頓首識

南宮公傳

語云人生百年一瞬息間耳矧我父志阻中途恍成夢幻淒且蒼草孤泪逆遭吾兄嬾曰時事至此尚可為哉我母直寬恤之曰閱人成世汝亦聞昔人遺危遺安之說念爾父氏所為乎爾父昆弟有六生當衰晚業卒一經外矣毫無半點塵染凡與若輩或稱孝友或策農桑餘亦未嘗置一片辭即病卧將徂且自歎曰人家止清白相承他不可也跡其生前亦復何所顧慮哉維爾兄弟毋墮

詔謀須成父志耕者仍止是耕讀者仍止是讀弗忘遺命可耳余亦無為過計也自茲啣恤十有餘年吾母又已辭世言猶在耳事豈忘心俯今邇昔竊嘆先君之未嘗無所遺也獨能以不遺者遺之也其遺之者安且遠也噫夫復何言謹以吾母之訓述而序之云

會生公傳

會生公諱應仕叔懋公之冢子也公生而穎悟博覽群書日誦數千言文章自成一家不以詞藻為工以意為主尤善字得心正筆正之妙端楷有法少年郎補府學庠生屢試高等晚尤邃於周易說統一書批駁精微性至孝居父母喪寢苦枕塊雖暮年外寫字著書猶專用藍筆但不信浮屠佛法非若世之齋僧飯道以為孝者比也其家政嚴肅自人視之有嗃叱之意而實得易之有孚威如者初非猛以陵物也然則公與司成公雖顯晦不同其所以居

不肖男應炆謹識

家者母乃居官之遺意與

曾孫承秀頓首識

王生公傳

王生公諱應瑗叔茂公之三子出繼於兄伯承者也公潛心力學書無所不讀廢寢忘殮精神愈旺毫不自以為困若方名象數之內有至味存焉而不僅舉子業已也嘗讀書於邑之館舍傍有僧屋因公之高聲朗誦鷄鳴不輟遂為之撤以讓公則公一生之嗜好惟在於書可知也由邑庠廩生膺順治甲午年拔貢遂授北京良鄉縣尹雖歷任未數月卒於官其經術未盡見之實用然亦不可謂非稽古者之榮也公之配仙氏係同邑都察院仙克謹孫女壽高八十有餘予猶及見之至公之所以為政於良鄉與良鄉之所以慕公者失考故闕焉然大約其經術深者其撫字必勞此則可為公信矣

姪曾孫承秀頓首識

明仲公傳

業師明仲諱應晟屠翁仲尊先生之子也寬和溫厚善誘人獨先生命自奇竟未得一衿以沒因念提命在耳授受如昨遂贊之曰欽哉吾師系出司成遜志時敏才似西京鵬飛莫遂石室怡情課文課行樂育多英追維疇昔山高水清

門生梅仁溥頓首百拜識

芝瑞公傳



芝瑞公諱玉徵會生公三子也公承家業匱乏之後外居山西復移居延福庄辛苦備嘗克勤克儉好讀書日不憚拮据之勞躬親農事夜則漏盡更殘猶誦讀不輟然艱於費未嘗一應院試閉戶齋居嘯歌自遣惟知學有諸已功名之際淡如也立身正直剛方

不作脂膏從人之態居家嚴肅無戲容無惰貌溫乎可親亦儼乎
可畏自奉淡泊不嗜酒亦不奢侈妄費獨好烹茗焚香對周易誨
孫讀書至授不肖四書本經時年六十矣起居食夕猶諄亡不倦
間散步山溪意有所得以筆墨自娛有淵明柴桑之趣嘗自書曰
天爵能修不羨三楊榮位素履得願恒思五柳高風則公生平之
所以為志者可知矣

孫承秀頓首識

履氏宗譜

傳

三



內德志

程孺人傳

程孺人宗生公配識敏有謀慮公初徙築廖池之陽謀而不得者皆思乘公築室與公閑公患之孺人曰何傷此輩第善遇耳乃作醇酒烹肥飪臘以待無何果來邀衆勸酬盡醉及醒室已成卒不能為橫而去又室多鬼衆議不可居孺人曰邪不勝正久之當自滅後卒無他至今子孫受堂構之貽以是人多其識云

玄孫玄極頓首識

程孺人傳

程孺人惠隱公配孺人嚴重莊肅足不踰閭尤勤女工即祈寒暑雨不廢組紉公好施至罄所藏粟分賑族里不給謀于孺人孺人脫衣飭佐公收糴及至家粟舟半罄欣然無愠色公戲謂孺人曰子積之艱辛而吾捐之容易得無不可乎孺人正色曰積之固將以用之也用而有濟亦復何靳公曰子真吾婦也至今人頌惠隱

厚曰詩
公厚德必稱孺人內助不哀蓋丈夫所難云

玄孫玄極頓首識

汪孺人傳

汪孺人宜庵公配也孺人提身端重雖子女褻御日在側未嘗見
褻衣與見齒之笑其治家嘗織經畜字以佐耕稼之不逮至饘粥
窮餓者不以脫簪飭為辭宜庵公性好施活人廩藏每至匱竭得
力行仁義無怠者以孺人崑勉于其內也既匱竭取野菜作羹同
株橡雜食而宜庵公不知其困者以孺人能安之也嗚呼陰柔之
性嗇而牀第之言既即有義士未免陰持之其或勉強于豐盈鮮
不退悔于空乏者往々中撓以至為義之不終蓋其自微矣若孺
人與姑程孺人克襄惠隱宜庵兩公以德施聞于閭里每至屢空
不恤可多見哉可多見哉

曾孫玄極頓首識

胡氏孺人傳

胡氏孺人者屠公田昌之配上胡村胡富林女也孺人性仁慈不
狃姑息遼田昌公勤女紅脩婦道慎終如始雖飲食饁饌之調劑
升斗銖兩之出入無不整一稟于法初田昌公家貲僅足自贍
耳自得孺人後有米躍之瑞而又兼以孺人之善調家貲遂日饒
而孺人不以自封也袖婢間或有急不難捐以周之衣飭簡約如
故侍婢未嘗過管嘗曰惜人使人使惜錢獲錢用吾何忍妬悍以
苦其父娘所生之血肉乎田昌公先娶程氏生四子露祥雲祥沛
祥鵬祥鵬祥早沒生一女靜姑方能步孺人撫三子如已出待諸
媳無間言女孺人鞠之長為擇配更豐其嫁嘗聞古有芒蔥母者
孺人殆近之矣尤斤斤以保業為慮故人有忤公者公雖極力忍
耐孺人猶從旁寬慰之孺人生三子棟楷楠公志令棟習舉子業
棟之子羲易楠之子羲傑亦習舉子業孺人弗溺愛也輒勉其母
荒于嬉田昌公九十七卒孺人年且耄矣尤哀痛執禮惟謹萬曆
十七年秋夏無收乞貸者盈門孺人為之惻然遂以所納有贍之

穀賑其饑乏即茹菜啖素油如也孺人存日娶媳六娶孫媳十四
娶曾孫媳三皆詔以內行享年八十有七孺人以弘治甲子年十
一月二十二日子時生萬曆壬辰三月初七日卒蓋孺人勤以佐
創業慎以佐保業而慈于前子仁于貧乏尤能婦人女子所不易
能余三歲孺人即携以調護十一就師傅每夜至孺人寢所問候
孺人每為道平生辛苦述履歷故余聞而記之如此

孫義傑頓首識

汪氏孺人傳

汪孺人道昌公配憶自兒童中憲公為余談孺人之德輒唏噓泣
下恨不及其存而報之因備述其窮微時行事務依大義嘗與族
諸父共事或欲為不義攫啄里中人我必起而力爭以是觸其狠
猛為所拘縛笞箠者屢幸不至粉噬賴孺人捍蔽之力為多當
我有急一聞于孺人必身自來翼蔽諸父見孺人至稍歛戢其
嚴威孺人呼謂之曰若恃其衆而淫怒以逞乎吾蠢息更有人若

不足為衆也諸父低回散去孺人徐解我縛他人莫有顧我急者
即旁倪亦莫能解我無孺人是久無我也言畢又唏噓泣下若恨
不及其存而報之由斯以談孺人必知大義者彼惡人之不義見
大父能以義爭因而蔽之豈望報哉令當時詳討孺人之閨行必
多可述而志者而余方在兒童無遠識也然跡其解大父之困可
以傳矣

姪曾孫玄極頓首識

何氏孺人傳

天下諸婦人亦有善哭其夫者矣而祀梁之妻獨著何哉吾讀左
氏却吊一辭敝廬生色孟子之言不虛耳族有科漢公者以義兵
應募身死迎鋒而其妻何孺人哭之甚哀當無愧焉吾嘗至孺人
家徒四立隻影撫孤兒乳如也歲無豐歉常突不烟織紵無蚤暮
衣不蔽膝人多奪其志而卒矢不渝今孤且長矣嗟夫梁以戰沒
遺倖至勤國君躬吊當時之褒崇忠義蓋如此而科漢公事格有
司不蒙褒恤何其窮也然惟窮困孺人之節操愈著今不敢望孟

子即得左氏以傳與杞梁之妻爭烈矣

姪曾孫玄極頓首識

程恭人傳

程恭人山門程公

女中憲公配也以司成公貴封安人累贈

恭人中憲公大父惠隱公父宜庵公兩世好施至割腹急義僅存
硯瘠以貽公勉振之恭人嘗以絲布之勤雞豚之畜為佐姑性
嚴諸如莫能揣意嚮恭人為冢婦意專責成諸如數因恭人進飲
食間起居姑即喜有賓祭宴饋之事姑必以命恭人恭人唯受
命而不自專以謀之諸如款益和公謀構新室歷數歲茹百辛
而後成上而讓諸弟曰吾不忍去先人之敝廬恭人無難色公姊
居王氏恭人僅一婢姑命之從欣然遺之無違言其于族里雖其
藍縷之微待之未嘗不如富貴人其于姻戚雖至疎遠歲東栗脯
脩之餽未嘗不如親厚恭人弟孤貧無與共存立撫之長娶婦及
生子又為娶婦乃遺以業而歸之以是族人皆曰恭人有德于我

其姻戚皆自恭人不失禮于我而其母家之人又皆曰生男不如生女以為恭人足倚賴于我常見窶夫之竊憐之不忍言見家僮之過微創之不忍嚴督其仁厚類如此于凡人事得失天道消長與夫世情施受之堪否皆設處而近况之以為閨閫之訓司成方總角中憲公遣從名師恭人脫簪珥脩黻戒之曰吾不願爾旦暮榮進願爾學取古人司成公受命惟謹既貴受封錫冠不飭珠翠衣不御羅縠曰雅素吾所安也論者謂司成公道德勲猷赫然名世雖中憲公明于學術之邪正不隨時為是非而恭人協相之助不可誣以稱閨中士行信其然矣

孫玄極頓首識

洪氏孺人傳

洪孺人岩順公配公生稟稟怯善病十一在外十九在床褥間孺人歸而侍湯藥惟謹賴其調攝延喘息者十餘年竟無子姑憐之諭以再遠孺人涕泣頓首以死自誓曰姑所生獨未亡人夫耳雖有伯氏非姑出也未亡人去誰與共朝夕者今正當代夫之養敢

令負不孝于地下哉且百世而後不可令地下人無血食伯氏之子猶吾子也于是立岩受公之後義榮為嗣卒守志不易人以孝節稱

姪孫玄極頓首識

徐氏孺人傳

徐孺人六保處士配年二十六而寡有子一人總數齡耳問其家四壁蕭如也人或以浮言動之謂甫子且不可必甫又無以為生何自苦如此孺人抱持遺孩祝天曰天其尚延一脉乎吾舍此安歸卒矣不易日夜刺繡以膳子又躬薪水及春杵之勞悲辛百端病數瀕死至瞽其双目猶僕之不休然終不以為憾竟全其節撫子娶婦而終

孫玄極頓首識

屠門梅孺人傳

屠南園公之孺人梅公定孫女也孺人賦性爽愷弱齡即好女紅事父母能孝待兄弟姊妹藹藹如成人禮故父母甚愛之甫十四即遭屠門父母以年幼不諳嬾道頗懷憂慮然適屠僅其賢聲漸

著屠之族多以得賢內助為南園公賀者其事姑嫜奉膳命僮婢
供具必親為檢視然後敢進散夫子如賓終身無致反目處妯娌
以和沒齒無一忤顏居常無怒罵無揚聲惟循々閭闔中事績紡
針線至老不輟而性好佛喜施捨結成生果然不効世人年齋月
素事一切佛口實能躬行仁慈即丈夫莫及孺人曾買一小婢病
且甚詢其故曰還家調養可愈孺人即命之歸其價亦不取後歸
一年婢竟亡孺人曰如我不令之歸而婢死乃此則罪孽在我矣
續後復有一婢亦病孺人曰得毋効前婢故事乎亦舍之歸而價
亦不取其兩婢父母至今感激不忘又嘗于飢年用谷數担買一
小厮比時歲歉穀貴人多鬻子存活後數年歲稔其父欲以原谷
數贖之孺人曰當時賣子之情可憫也即多得穀豈能益我哉于
是促南園公受其穀而還其子此三事皆人情所難不意竟出婦
人女子彼貪財薄德之夫覩此亦可汗顏內省南園公舉四子一
女皆自孺人出則南園公後當有顯者其孺人培植之源厚乎余

不文無能為孺人贊揚休美但行有可述或可竊比閔睢麟趾之意故勉為之傳如此孺人少南園公一歲萬曆辛丑年之正月南園公亡而孺人思慕涕泣日夜不止是年八月孺人亦亡人皆謂孺人賢不致南園公獨遊地下也生死共之乃為僭老人爭相傳以為異焉

譜曰

誕彼少玄精托身魏氏靈在闈循女訓于婦執婦勤秀鍾梅族美賢著屠門欽喜結來生果好行當世仁還婢皆捐利返僕更憐貧厚培閨中德永兆堦前榮丈夫實媿志覽此宜慕歆

從礪山人鮑欽詔撰

節婦汪氏傳

節婦汪氏族大父欽公配也年十九歸欽公二十四而欽公卒遺孤邦甫四齡朝甫弼又貧不能給有謀奪其志者氏茹辛攻苦之死靡貳躬辟績紡織以自食且以食其二子霜月冰宵梭聲槩影真可以泣鬼神而酸鐵石者無何邦殤竟撫朝成立婚娶歷今春秋八十矣所司采輿論欲頽其門氏聞懇辭之曰未亡人豈以博名高也若氏者非所謂無為而為不二心之純節哉丈夫具鬚眉而名利薰心始終易操者視此可少愧已譜生不立傳而氏節最苦又年躋大耄故特傳之以風世勸俗

姪孫玄圭撰

庚子年



屠母袁孺人傳

休哉吾母之羸于德也嗟哉吾母之嗇于遇也我母新城令袁公女先君靈岩公配也甫六齡而生母逝矣侍育者繼母耳吾母善事新城公并善事若母不知其為繼也新城公所餘宦資吾母時以給親族驟側備聞獄囚苦態每值朔望輒買米肉餉之閱數年而新城公告變矣遺孤子纔月餘且多疾我母極力保護衣衾之類皆親為浣濯不以委諸侍婢稍長又携歸教育之曰我父垂沒之年幸獲此一塊肉使克長成以繼厥後是所望耳迨歸我父事我祖父母操井臼供湯藥無不勤懇偶適庄則曰姑嫜在堂我輩奈何久居此乎遇食必遣人餽于家不敢先嘗也一日謂我父曰二親老矣我作甬室幾十載矣止產此怕女焉曷置側室以廣其嗣俾爾父爾母獲見甬兒息乎慎毋以我為念比趙廢母至而接與秩然而情意藹然時外飲嘗暗袖果脯以歸曰此某家物汝不在席我母喫不下聊以相遺耳我父勤趨儒業夜必遣婢進茶果

候其睡方敢就枕出從錢緒山學從羅近溪學則脫簪珥為臚贊
資且促之行曰吾母望爾富貴得遊二先生門成一儒者其光榮
不既多耶聞數年而我父又告變矣我母誓以死殉藉族人慰之
曰爾夫亡矣倘爾與俱亡則咸女誰與擇所從者誠僅十一歲證
七歲誕六歲諧未滿三歲又誰為之養育誰為之婚配誰為之教
訓乎我母曰長者幸有以告我矣于是涸淚以從一切設嫁議娶
粧飾微聘各如儀備辦而艱辛凡萬千狀愚兄弟四人悉舍就學
或曰證者少拙其置之乎我母曰此庶子也我子讀而彼子否安
乎且聞于吾夫君曰力學破愚則此子能定其將來耶其課愚兄
弟或晨伺之或夜伺之間有戲謔者不問其並加朴責或曰爾
自己皮肉何為同他人受此苦楚我母艱然曰等子耳烏言自與
他哉矧勞之成佚之敗忍以姑息故誤乃子乎至人以橫逆來者
略不與較或曰彼欺爾寡婦特甚何嘿無一言乎我母曰彼固
與我爭我不必與之爭俗語云讓殺人公獨不聞歟我母嘗患痰

疾稍愈即坐床辟績未肯什婦人業或曰甬老且疲何自苦若此
我母曰人生一日當做一日事我年雖六十有奇猶恐凍餓死耳
敢畝安逸哉他如火借貸之約不責其償藏死朽之骨不冀其報
散稻麥于鄰里以賑貧乏設飼粥于道旁以活流移又其昭_三耳
目者矣大率我母立心坦直制行剛正女德婦道双媿齒儀仁聲
並茂夫何少不得母鞠之長不得父字之中不得我父永諧之且
于今六十零七矣猶未有一子成立以少副勤劬于以慰我父在
天之靈豈不痛哉豈不痛哉余族中譜牒觀適成敬述而附諸簡
末令後世子孫知我母之德之羸知我母之遇之嗇又知我兄弟
不孝之辜其無所逭云我母袁姓諱孝姑行六娘父諱澤生母周
氏生嘉靖丁酉正月初四日丑時

不孝男玄諧頓首識



Faint vertical text columns, likely bleed-through from the reverse side of the page. The characters are mostly illegible due to fading and ghosting.

鮑孺人傳

坤之德柔順利貞故能承天時行而代有終然得坤道之純者難矣吾母鮑孺人井頭伯王之女父彩珍公配也事舅姑至孝處妯娌甚和待侍婢無怒色無厲聲非所謂得坤道之純者與性好佛喜施捨仁慈惻怛非所謂厚德載物者乎循仁惟閨閻中事凡一切家務宴餉賓友皆一人獨任之非所謂無攸遂在中饋貞吉者乎生不肖兄弟五人皆娶媳生孫姪妹三人各適名族享年八十有二非所謂安貞之吉者乎兄弟中惟不肖幼時多疾時切母憂今耄矣回思顧復時依仁如昨乃欲承惟菽水求遂瞻依不可得也不肖之罪曷其有極因秉筆以為之記

不肖男紹洵頓首識

梅氏孺人傳

梅氏孺人叔父元鏐公配也自適叔父生一子紹沈甫三歲叔父早世卽矢志靡他養子成立為之婚配蓋其節操之堅有為人之

斷不可及者然內力堅貞而外貌和順故事公姑以孝稱待子姪
以慈著終身勤苦克盡閨閫中事毫無疾言怒色其德又有如是
者性好佛更以夫死不忍食酒肉持齋沒世則孺人之心固有所以
不死其夫者在矣乃子成立而孺人即逝疑或報夫於地下與
因特為之記



姪紹洵頓首謹識

洪氏孺人傳

孺人屠公應靖配也十七賦桃夭郎執婦禮事舅姑相夫子納酒漿勤女工四德克備家人無不敬愛之生二子長四歲次方四月親翁屠公郎仙逝孺人年方念一臨柩悲哀一泣幾斃傍人咸勸之曰若果偕止誰為撫其二子成立太親翁亦恐孺人之過傷自損不克撫其孫是憂乃時_上慰解之孺人良思久乃輟泣飲淚以栢舟自誓且即口茹蔬素井心淡薄曰吾將以報我良人爾晦明風雨無時不念所天焉其始也以為初分翼耳積久仍如是凡非禮之言色毫不稍形於動靜亦不稍接之於耳目其愛二子也鞠育之恩靡所不至而又未嘗不規之以義方其井臼之操杼柚之勞有可以稍佐其子者不遺餘力以助之始欲課子成功名後以伯叔各爨故不克如其志其待人也溫而有威其吐詞也嚴而有理非母家子族必不往非薪水事亦不出戶而党鄉妯娌稱母儀者咸以孺人為模範云今行年已六袞多老病二子奉湯藥進每

麾之不嘗再三勸之始飲請其故乃曰余向也恐汝二子不克成立倘旦莫死有以墮爾父家聲也今尔二人各有子余親睹衆孫盈室矣豈不可歸報於人乎何過求生為疾愈而勤作如故孺人之長公郎即余妹丈也常念母氏之劬勞清操而力不能登諸國史表諸

關廷為子者所深憾也適己酉歲屠姓修家乘而余聞之喜曰夫家史猶國史也以孺人之賢淑冰清而不有以述之其何以勵風俗示閭儀乎故雖屠族譜例生不立傳而孺人之節可表因特書以誌之俾有所感發云爾是為傳

昔

龍飛雍正歲在己酉桂月


眷晚生洪浩源頓首拜誤



汪氏孺人傳

汪氏者伯父旭齡配也伯父幼多病汪氏適伯父躬湯藥不懈生承祖四歲承禮方五月伯父早世汪氏年二十二歲以栢舟自誓撫二子皆成立各娶媳生孫真霜氣橫秋者矣尤所難者從兄承祖不幸早世嫂他適生三孫又皆汪氏撫育長養嗟哉伯母一人兩世勞辛迄今諸孫頻亡所傳於不朽者伯母之身

姪承秀頓首識





選舉志

叙曰

國朝選舉之途有三首進士次鄉舉次歲貢士君子力學承家
雖不藉是為重而際會在一時垂休且千百世則家聲之光
大未必不由之我家雖世服詩書而登進士者僅得我先司
成公一人策鄉舉者余兄弟元極元圭二人膺歲貢者昌黎
公一人通以

冊立

東宮覃恩拔貢者文麓公一人斯亦寡矣顧前茅旣啟士皆鼓
篋而思嚮風人文之盛方濟未艾至或因際會之不偶憤
表見之無從而入貲補太學以為他日進身之階則例貢亦
國家所不廢也溯選舉所自始必始博士諸生獨不得附見乎

至掾貢亦皆不遺而進身之資格備矣抑余為是志非徒為
侈觀將後世考而鏡焉尚其夙夜兢兢無忝我先司成之風
節庶幾為家之光不然而以尸素貽訕士林則選舉之恥亦
家之羞也作選舉志

進士

司成公諱義英字淳卿號枰石治易经中嘉靖二十八年己
酉應天鄉試第一百一十三名三十五年丙辰會試中式第
八十八名

賜進士第二甲四十七名觀大理寺政丁巳授戶部廣東司王事
戊午山東河南監兌庚申理淮庾辛酉陞本部廣西司員外
郎尋陞本部貴州司郎中癸亥調禮部祠祭司郎中甲子陞
浙江按察司提學副使丁卯丁酉園公艱接丁程恭人艱服

闕未赴部隆慶辛未就家起補四川提學副使壬申陞山西
布政使司右叅政尋內遷大僕寺少卿萬曆癸酉調鴻臚寺
卿以脾病疏乞改南甲戌補南京太常寺少卿丙子陞南京
光祿寺卿丁丑廷臣會推陞南京太常寺卿掌南京國子監
祭酒事會江陵不奔父喪南北九列望風疏留公不可遂投
筆不附名而歸撫按臺省交章薦叙者十餘上壬午公以痰
疾終於里第 祀鄉賢祠事詳 國史及浙江通志

太九公諱元極字穉真治春秋中萬曆二十八年庚子江南
鄉試第五名三十二年甲辰會試中施鳳來榜進士得南京
評事轉江西南安府知府署御史事

鄉舉

宅虞公諱元圭字禹錫治易經中萬曆二十八年庚子江南

鄉試第一百三十九名辛丑會試中乙榜不就

瞿菴公諱紹楨字維周治易經中順治十一年甲午江南鄉試第三十二名

歲貢

昌黎公諱匡字可正行士生治詩經膺正統間貢授直隸永平府昌黎縣丞

五岳公諱羲傑字俊卿治易經膺崇禎年癸酉歲貢

張六公諱紹中字孟孚治易經膺順治庚寅歲貢

應銓字我衡號緩翁治禮記膺康熙六十一年壬寅歲貢

恩貢

文麓公諱槁字子立行元九治易經膺萬曆二十九年壬寅歲恩貢授浙江湖州府德清縣教諭

選貢

士際公諱紹臯字士虞治易經膺崇禎元年戊辰歲拔貢甲申年授湖廣鄖陽府上津縣令遭流寇沒於王事

諱應芝字長生治易經膺順治間拔貢

諱應瑗字玉生治易經膺順治十一年甲午歲拔貢授北京良鄉縣令

例貢

念恒公諱梯字子漸行小七治易經邑庠附學生萬曆七年入太學

瑞河公諱羲易字明卿治易經邑庠附學生萬曆七年入太學

定字公諱義偉字宏卿治易經萬曆二十二

授仁和令入太學
陸光祿寺

南公諱義周字文卿治易經萬曆三十五年入太學

六四公諱義儀字羽卿治易經萬曆年間入太學

養冲公諱元祚字昌孺治易經邑庠增廣生萬曆四年入太

學

諱紹沆字又初治易經邑庠附學生康熙二十三年入太學

諱紹溥字天一治易經邑庠附學生康熙二十三年入太學

博士諸生

綸公弘治間邑庠廩生

欽公學名天衢字敬夫號松山治詩經嘉靖間補邑庠生

彬公字子質行龍二治詩經嘉靖間補邑庠生

榜公字子登號午溪治詩經嘉靖間補邑庠生

棟公字子用號元峰治易經嘉靖間補邑庠增廣生

靈灤公諱義民字皞卿治易經嘉靖甲寅補邑庠附學生尋
以試優食廩

雲谷公諱義愚字直卿治易經嘉靖己未補邑庠附學生

純一公諱義謨字禹卿治易經萬曆丁亥補邑庠附學生

泗源公諱義教字化卿治易經萬曆丙申補邑庠生

南州公諱義佐字佑卿治易經萬曆丁亥補邑庠增廣生

霖宇公諱義蛟字雲卿治易經萬曆丙申補邑庠附學生

文河公諱義祥字和卿治易經萬曆丙申補邑庠附學生

庚公諱義慶字和卿治易經萬曆間補邑庠附學生

閔公諱義敏字學卿治易經萬曆間補邑庠附學生

三九公諱義官字周卿治易經萬曆間補邑庠附學生

少枰公諱元管字和孺治易經萬曆丁亥補郡庠生尋以試

優食廩

瞻東公諱元震字起孺治易經萬曆丙申補邑庠生

柱中公諱元諧字弼孺治易經萬曆丁酉補邑庠生

見壺公諱元機字員孺治易經萬曆庚子補邑庠生

良輔公諱元佐治易經萬曆庚子補邑庠生

長老公諱元豹字蔚孺治易經萬曆間補郡庠生

立四公諱元維字張孺治易經崇禎間補邑庠生

二老公諱元端字治易經崇禎間補邑庠生

崇三公諱元獬字憲孺治易經崇禎間補邑庠生

文脊公諱元煥字天章治禮記順治間補邑庠生

薇垣公諱元斗治易經順治間補邑庠生

季玉公諱元璉治易經順治間補邑庠生

叔聖公諱紹賢治易經萬曆間補邑庠生尋以試優食廩

伯宏公諱紹勳治易經萬曆間補邑庠廩生

周三公諱紹烈字伯承治易經萬曆間補邑庠附學生尋以
試優食廩

周八公諱紹經字仲尊治易經萬曆間補邑庠生

程七公諱紹芳字叔懋治易經萬曆間補邑庠生尋以試優
食廩

范一公諱紹益字伯友治易經萬曆間補邑庠生

士衡公諱紹尹治易經順治間補邑庠廩生

珍公諱紹熹字明臣治易經順治間補郡庠生

紫翔公諱紹翥治易經順治三年丙戌補邑庠附學生

石函公諱紹琰治易經順治三年丙戌補邑庠附學生

獻其公諱紹琛治易經順治四年丁亥補邑庠生

公靖公諱紹溇治易經康熙十三年甲寅補邑庠附學生

石門公諱紹樟字呂功治春秋康熙十三年甲寅補邑庠附學生

次躬公諱紹標治易經康熙二十八年己巳補邑庠附學生

南宮公諱紹楠治詩經康熙二十二年癸亥補邑庠附學生

應仕公字會生治易經順治間補郡庠生

應喆公字又吉治易經順治間補邑庠生尋以試優食廩

應昌公字敬伯治易經順治間補邑庠廩生

應騰公字仲奇治易經順治間補邑庠廩生

應望公字治易經順治間補邑庠生

應元公字大音治詩經康熙三十四年乙亥補邑庠附學生

五十年辛卯補增廣生

應玠字上明號礪岩治詩經雍正三年乙巳補邑庠附學生
永秀字芝山號石室治易經康熙五十六年丁酉補邑庠附
學生



掾貢

禮字子理號北園萬曆壬寅授州吏目

義美字中卿號東里本邑吏員

義萃字立卿號雲橋本邑吏員

元弼字佐孺號近臺府缺農民

馳封志

士君子履繩蹈矩躬仁義之行而敦素衡茅者雖其文采不
少概見乃潛德之光類于嗣人發之故

朝制以子貴父蓋勸功褒德甚盛典也我家膺是典者惟大
父中憲公一人且

三朝而三錫命焉其寵承優渥亦至矣乃若內行不出閭修而
我大母與母得緣吾父以有榮施蓋蒙數百年而一遇者耳
君恩世澤曷敢有忘作馳封志而以内馳封附焉

中憲公諱龍字文潛號西園嘉靖庚申以我父司成公考績
封承德郎戶部廣東清吏司主事隆慶壬申贈中憲大夫四
川按察司副使萬曆丙子再贈中憲大夫南京太常寺少卿
郡志以敦樸長厚稱詳見唐銓部墓志及沈少參行狀中

贈封內志

程氏中憲公配山門程女以我父司成公貴封安人贈恭人再贈恭人

楊氏司成公配同縣河澗府丞楊嘉慶室女封安人進封恭人再封恭人

恩綸志

叙曰

恩綸有策詠有監督有封贈有祭葬不同允臣子得沾被一二無

不慶際遇之隆焉我大父中憲公父司成公實累承之或勅或制或誥諭謹按年月次第而載諸家乘蓋以珍

君命之重昭先德之光而勸忠孝云耳作恩命志

御詠策問一道

皇帝制曰朕惟

天命立君以宰於率土必有分理協助之臣所謂鄰哉也吁堯舜之克聖不有高賢大良之助豈二聖獨勞耶夫以古之元首股肱真是一體上下相資不若茲時之大不同者朕以心腹置人心腹中何乃視我仇讎焉安望為國恤民也朕固無知人之哲能官之智我欲聞是知能之方甬多士目覩旣真當有益我知能之道悉著以對勿諱勿欺

嘉靖三十五年三月十九日

欽差山東河南監兌

勅書一道

勅戶部主事屠羲英漕運京儲係是重務水次監兌俱有定規舊年各該軍衛有司往來互相推托交兌不時以致糧運遲悞

今特命爾前去山東河南地方會同巡按御史照依該部節次題准事理責成守巡官員親詣水次嚴督軍衛有司官員將原會派嘉靖三十六年分兌運糧米并輕齎銀兩照數催徵完足務于當年十月交兌起運不許遲緩下年糧米銀兩亦須預為一體整理若軍衛有司船糧過限不到水次民運糧米過限不完布政司府州縣掌印官及領運把總并指揮千百戶例該提問住俸戴罪降級者俱候兌完之日逐一從公會查叅奏定奪完兌後不許回籍宜分投委官催督運船盡行起程爾即隨後催至臨清與僸運郎中交接明白就便造冊具本回京復

命仍造清冊送部查考各該總委把總及有司掌印等官怠緩違悞者先具悞事實蹟緣由遠限月日以近指實開報以憑查

究其司府州縣佐貳官如有自圖安便不行部解交兌轉委
屬官及委官納戶人等通同侵欺插和沙土粗糙濕碎不堪
交兌并過期悞事及運糧官軍生事刁蹬留難勒索財物或
地方市戶人等不遵禁約用強邀截包攬等項情弊輕則量
情懲治重則應拏問者徑自拏問應奏請者奏聞處治仍命
爾不妨原務會同二省各撫按官督同各司府州縣掌印管
糧官將三十二年以前拖欠宣大寧武等邊本折糧草酌量
催徵若已徵在官及見徵未完者作速起解其侵欺入已并
恃頑拖欠者變產催促完官從重問罪已經差人起解者監
并家屬批單至日踈放如或過限三月至一年不完者將司
府州縣官悉照本部原題住俸叅奏起送降級事例施行爾
為部屬受茲委托宜持廉秉公用心催督祛除積弊協和行

事使糧運早完國用充足斯稱任使如或偏私怠忽督理無方自分彼此查叅不明以致遲悞責有所歸爾其欽承之故

勅 廣運

嘉靖三十七年九月 日

之 寶


庚申主事考績

勅命二道

奉

天承運

皇帝勅曰人臣以脩職為忠人子以顯親為孝故國家褒錄臣勞而必體其顯揚之志疏榮及親以示勸也爾屠龍乃戶部廣



東清吏司主事屠義英之父質朴不華謙冲自守行全孝弟
名重鄉邦課子業儒夙嚴義訓乃揚休地省肇錫題封天之
福善其不爽已茲特封甬為承德郎戶部廣東清吏司主事
尚其篤于教忠以光休命欽哉

勅曰易稱家人有嚴君父母之謂則人才之成不特父教蓋亦
有母訓焉甬程氏乃戶部廣東清吏司主事屠義英之母淑
惠靜貞夙敦內訓順以相夫而克儉慈以鞠子而能勞祿養
方隆遐齡並茂可不謂賢哉茲特封甬為安人顯服鴻休永
緩多祜

勅命

嘉靖三十九年九月十二日

之寶

奉

天承運

皇帝勅曰司徒掌財賦以制邦國之用其責甚殷故列屬典領必選敏達之才始以授之甫戶部廣東清吏司主事屠羲英擢穎賢科授官民省操端才敏計度精明比委董轉輸克持廉慎蔚有賢聲可謂優于立政者矣茲以奏績聞特受爾階承德卽錫之勅命夫理財有國重務也頃者司徒以徑用不克為言而郡國被災匱食屢䟽蠲復殊軫朕心尚其殫猷畢慮俾上以足國而下不病民時爾之賢欽哉

祇我訓辭

勅曰國家錫命以勵臣工而必及其配者非特以齊體之義也女德有裨士行褒錫所宜加焉甫戶部廣東清吏司主事屠

義英妻楊氏毓德儒門作嬪良士柔嘉孝敬壺則克敦相夫
効官茂揚休聞儆戒之賢彰已茲特封甬為安人尚欽服乎
寵名永將綏乎多福

勅命

嘉靖三十九年九月十二日

之寶

甲子陞浙江按察司提學副使

勅書一道 四川同

皇帝勅諭浙江按察司副使屠羲英

朕惟自古帝王治天下者率以興學育才為首務而學校之
興廢人材之盛衰治道之隆替繫焉此蓋已然之明驗也今
特簡甬往浙江巡視提督各府州縣儒學甬其欽哉夫總理

一方之學政是即一方之表率也然率人以正必先正己爾其務端軌範嚴條約公勸懲俾為師為弟子者一崇正學迪正道革浮華之習振篤實之風庶幾儲養有素而待用不乏斯足以稱簡任之意如或因循歲月績效弗彰朕將爾責焉爾其勗哉所有合行事宜申明條示于後其慎行之毋忽故諭

學者讀書貴乎知而能行先將聖賢經書熟讀背誦牢記不忘却從師友講解明白俾將聖賢言語體而行之敦尚孝弟忠信禮義廉耻之行不許徒務口耳之學將來

朝廷庶得其真才任用

一為學工夫必收其放心主敬窮理毋得鹵莽間斷其于修己治人之方義利公私之辨須體認精切庶幾趨向不差

他日出仕方能顧惜名節事業可觀

一習學舉業亦窮理之事果能精通四書本經便會行文有等生徒不肯實下工夫惟記誦舊文意圖僥倖出身今宜痛革此弊其所作四書經義策論等文務要典實平順說理詳明不許浮誇怪誕至于習字亦要端楷廢不乖其教養之意

一學校無成皆由師道不立今之教官賢否不齊先須察其德行考其文學果所行所學皆善須禮待之若一次考驗學問疎淺及急于訓誨者姑誠勵之令其進學改過若再考無進不改送吏部別期貪濫不肖實跡彰聞者不必考其文學即拏送巡按御史問理吏部別選有學行者往補其闕

一師生每日坐齋讀書及日逐會饌有司僉與膳夫齋夫府學膳夫四名齋夫八名州學膳夫三名齋夫六名縣學膳夫二名齋夫四名不許違悞缺役

一 生員考試不諳文理者廩膳十年以上發附近去處充吏六年以上發本處充吏增廣十年以上發本處充吏六年以上罷黜為民廩膳增廣未及六年者量加決罰勉勵進學

一 生員之家並依洪武年間例除本身外戶內優免二丁差役有司務要遵行不許故違

一 允巡視學校水路乘驛舟陸路乘官馬仍帶書吏一名隨行陸路與官馱俱支廩給

一 府州縣提調官員宜嚴束生徒不許出外遊蕩為非允學

內殿堂齊房等屋損壞卽办料植量工修理若恃有提督
憲職將學校中一切合行之事推故不用心整理者量加
決罰懲戒

一所過之處遇有軍民利病及不才官吏貪酷害人事干奏
請者從實奏聞

一本職專督學校不理刑名如有軍民人等訴告冤枉等事
許受詞狀輕則發下所在官司問理重則送按察司提問
一科舉古者鄉貢里選之法今南北所舉人名數已有定制
近來奔競之徒利他處學者寡少徃_レ赴彼投充增廣生
員詐冒鄉貫隱弊過惡一槩應試所在教官徇倖以為已
功其弊滋甚今後不許違者聽本職及提調科舉官監試
官鞫問

一巡按御史不許侵越提督者職事若以公事至府州縣亦當勉勵師生勤力學業不許推托不理若提督官員行止不端許巡按御史指實奏聞

一所轄境內遇有衛所學校一體提調整理武職子弟悉令其習讀武經七書百將傳及操習武藝其中有能習舉業者亦聽就科舉

一廩膳增廣生員已有定額廩膳有缺于增廣內考選學問優等者幫補增廣有缺于本處官員軍民之家選擇資質聰敏人物俊秀子弟充補不許聽信有司及學官徇私作弊若有額外之數須嚴加考選通曉文義者存留待缺不許將不堪者一槩存留躲避差徭

一古者鄉閭里巷莫不有學卽今社學是也爾允提督去處

即令有司每鄉每里俱設社學擇立師範明設教條以教人之子弟年一考較責取勤效仍免為師之人差徭一師生於學校一切事務并要遵依洪武年間臥碑行不許故違

勅命

嘉靖四十三年十月初六日

之寶

壬申副使考績

制誥二道

奉

天承運

皇帝制曰士有砥行好修不自顯試者必于其嗣人發之故以子

貴父匪徒勸功亦以褒德也爾封承德郎戶部廣東清吏司
主事屠龍乃四川按察司副使屠義英之父戢耀翰榮敦仁
服義歛是德美迪成嗣賢俾奉庭聞以鳩宦績爾教益顯而
名益永已是用贈爾為中憲大夫四川按察司副使游頌新
渥式慰幽靈

制曰母氏劬勞人子所欲報也秩濩崇則慕益切恩不並逮何
以慰不匱之恩哉爾封安人程氏乃四川按察司副使屠義
英之母性鍾慈惠德秉孝恭玉子于成以勞為愛迨躋顯列
爾則永遠斯杯椽所為興惻已茲用贈爾為恭人庶表徽音
尚承休命

制 誥

隆慶六年九月二十七日

之 寶

奉

天承運

皇帝制曰凡列秩外臺分驅憲轍者皆得以糾虔邦型董飭吏治
風紀之地特慎簡掄甬四川按察司副使屠羲英器識貞純
才猷暢裕早更郎署已著賢聲兩踐臬司益祇功叙官常為
之振肅士數賴以甄陶最課來聞惟朕嘉甬是用授甬階中
憲大夫錫之誥命于戲出入均勞以勸有位始終一節乃能
其官甬晉貳冏卿服茲休渥尚益懋毋怠于成欽哉

制曰人臣靖共甬位必有室家之賢協相于中者故酌庸錫命
內外均焉甬四川按察司副使屠羲英妻封安人楊氏德載
柔徽勤存儆戒佐甬夫子揚休外臺嘉念乃勞宜從夫爵是
用封甬為恭人祇荷渥恩益修令範

制誥

隆慶六年九月二十七日

之命

丙子少卿考績

制誥二道

奉

天承運

皇帝制曰人臣奉庭訓以業其官所以致孝國家錄臣勞以崇其
父所以勸忠惟彝章之攸存斯寵數之駢錫爾封承德郎戶
部廣東清吏司主事屠龍贈中憲大夫四川按察司副使乃
南京太常寺少卿屠羲英之父植範家庭因乎心而孝友志
著閭里重其德以善良爰啟嗣賢致身通顯雖未終于鸞

宜申重以綸褒是用贈甫為中憲大夫南京太常寺少卿散
此三命之榮永作九泉之賁

制曰朕體念臣心知其有劬勞之慕則晉躋親秩予之以褒卹
之章用廣孝思式昭慈訓甫封安人贈恭人程氏乃南京太
常寺少卿屠羲英之母誕育華胄媿德令人共姜之敬如賓
動必循禮文伯之賢有母愛不弛規惜令儀之已亡幸徽音
之未泯是用仍贈甫為恭人俾遠慰乎幽靈益克昌乎後祚

制 誥

萬曆四年九月十三日

之 寶

奉

天承運

皇帝制曰國家式崇禋典設太常寺于兩都以典司禮儀自昔稱
華重焉非夙負時望者弗輕俾也爾南京太常寺少卿屠義
英學有本原行由矩矱爰自展采郎署颺休臬藩敷文教而
多士嚮風詰戎兵而一方永賴晉陪罔寺旋長句臚造顯融
之方殷乃恬靜以為志是用寄之留寺擢以奉常而爾夙夜
惟寅恪勤匪懈可謂祗厥叙已茲以三載考績仍爾舊階中
憲大夫錫之誥命夫士勤而學之將廓而行之也爾位望日
起矣尚益懋所蘊施之于政朕且有崇陟焉往其勵哉無替
朕言

初任戶部廣東司主事

二任本部廣西司員外郎

三任本部貴州司郎中

四任禮部祠祭司郎中

五任浙江按察司提學副使

六任四川按察司提學副使

七任山西布政使司右叅政

八任太僕寺少卿

九任鴻臚寺正卿

十任今職


制曰朕惟二南之詩備載室家之事則知萬化之本肇始夫
婦之間在主風為獨先乃國典為均及爾南京太常寺少
卿屠義英妻封恭人楊氏解佩之誼夙勵于鷄鳴采蘋之
修雅資乎羔素惟爾夫服官中外茂著聲猷實爾躬主饋
閨闈克効敬助茲仍封爾為恭人茂承荐至之恩益謹內

襄之範

制誥

萬曆四年九月十三日

之寶



鄉耆志

我

國家褒崇逸德歲舉一二耆碩以蜡賓敦請至屈郡邑大夫之重與齊民相獻酬允以風勵黔庶表式鄉閭甚重典也碩實德未符錢神可使而鄉飲之典亦或與人為重輕故人或有愧于厥典則下恥濫典而重在下人或有光于厥典則下矜榮施而重在上嘉靖間我中憲公痛時弊之冒濫高卧烟霞有司數勤延請悉皆謝絕惟郡侯羅公間一赴之重在我也萬曆間邑侯周公慎重厥典非其人至以邑博荐之不得弟子員交荐之不得獨嘉前溪公卓詎特刺延禮一時以為寵榮重在上也二公後先相望或以自重以厥典或以人之所重以厥典國典之光獨非家乘之光乎我中憲屠楷字子正號前溪萬曆二十七年舉鄉飲

姪孫玄極識



寧國縣儒學廩增附生員楊國幹施大忠段以鞞呈
為公舉事三十五都二畝民屠楷盟心恬淡棲志烟霞孝篤嚴慈
無忝負米之行情鍾手足宛同守奈之風輸米以濟飢餒之家雖
竭囊而不惜捐錢以助津梁之役實好義而非私足不履乎公庭
忘情牙角行不挂乎物議遊意古初年高德邵憲獎里稱參于拜
至拜洗拜送之典賓筵蔚然有光舉以三揖三讓三終之儀民風
翕然可式為此具呈須至呈者

伏以

鄉飲之設

朝廷所以養老尊賢甚盛典也茲惟

耆民屠楷齒德俱尊堪居賓席用顯禮生踵門致請至期蚤臨
萬曆二十七年正月

日

知縣周有為

署印訓導彭少南



訓導秦志孝

縣丞舒映

主簿胡均舉

典史秦羔

禮生施大忠

周世芳

楊國幹

吳楷

祠墓志

敘曰若敖之餒君子悲之是血食至重也其家祠所由建乎自延陵季子得孔子題其墓而聲施到今于是後世爭托名賢為吾親圖不朽矣蓋以棲神靈而識封樹孝子仁人之用情宜無弗至焉者屠氏舊無祠先司成既貴中憲公始倡衆鼎成崇祀始祖辰一公而以始顯昌黎公始遷宗生公配其餘則展謁于墓而已顧墓自始祖來世崇樸茂雖懿行表々里中為人所傳誦歷數百年不磨然未有當世大賢賜以誌銘表而著之者三傳而至積二公已失其墓所在益信封識不可不慎也惟余曾太父宜庵公大父中憲公得邀寵胡廬山唐一庵兩名賢筆勒之貞珉以詔來嗣而余得考司成公緣卜宅未定猶且闕焉顧觀其行略哀詞亦足徵其後學師表矣計當世々珍襲可令其久而遺佚乎抑其他即文詞不少概見而耆德名山多有相輝映者不可以不特著作祠墓志

一先祠

屠氏祠堂在廖池之陽鎮本居水口文峰直聳西南金山橫亘東北石馬塔中村子孫共祖者協成塲下腦頭並不與

一先墓

辰一公葬社屋冲舊無誌表司成公始刻石題墓

開孫公葬葛家塲舊無誌表司成公始刻石題墓

積二公失其墓所在相傳七里冲未詳

士生公即昌黎丞葬毛蓬山舊無誌表

宗生公葬竹橫山舊無誌表司成公始刻石題墓

員童公附葬竹橫山舊無誌表司成公始刻石題墓

福童公附葬竹橫山

惠隱公葬張家冲舊無誌表司成公始刻石題墓

志保公葬周村

宜庵公葬烏石山汪孺人合葬廬山胡督學表其墓

田昌公附葬周村

金山公葬岳子珩

中憲公葬箬塢嶺程恭人合葬一庵唐銓部誌其墓古林沈少叅
狀其行蹟

司成公葬楊冲改葬鷄山門人江中丞有行畧陳侍御有行狀

一
祠記

屠氏建葺家祠記

家祠以祀始祖非古也古庶人祭于寢者一雖士大夫不過二三安得復追遡其始自伊川程先生以義起後世儒者之家往徃有之禮必反其所自生與所自始由父母之生而遡其始出雖吾祖宗越在千百世之上而精氣常相通求其始而不得始于可知則歷世更親而精氣之靈承更加切矣孔子曰送形而徃迎精而返之豈獨無所以棲之棲之無其地仁人孝子必有不能一朝安者故家祠以祀始祖雖古未之有可以義起也

乃宋儒起之宋儒亦多議之即晦翁朱先生亦以為疑于禘祫不敢借用豈伊川之見獨不及晦翁哉余嘗上下千百年閭春秋俗多僭踰故孔子惡太僭于八佾雍歌之儻以明分也宋末俗多偷薄故程子篤親兢于始祖之祭以伸情也因人情所不容已以維時俗之弊雖晦翁不得過議伊川矣今幸

王制大明患不在僭獨其分別形膜無復古者敦叙之遺固有貴為卿相以莽奕夸寰中而視其伯叔兄弟衣懸鶉偃為廝養士如塗之人不加軫恤者亦未有念吾祖宗而反其所自始者也使知反其所始而收族之意且勃然生焉豈其偷薄一至于此則始祖之祠祀其容已乎哉余家舊無祠中憲公始鳩衆鼎成之中為堂後為寢室前為門廡昉古別子立廟百世不遷始興者亦為別子崇祀我祖辰一公而昌黎公宗生公以始顯始遷得並配其他不敢盡及也兩世三公于崇報功德之中而遠符古士大夫廟制庶幾仁孝之情藉以少伸而于分守亦不至僭

踰馬伊川復起蓋有不能易者矣祠成者未數年而中憲公謝世故余奔自武林見祠已不葺乃奉中憲公靈輿權厝于其側捐金葺之而後廟貌如故及余既服闋之蜀之晉遲徊南北者又踰十有餘年始歸自南雍而祠復不葺乃協衆葺之而後廟貌復如故蓋成之難而廢頽之易如此則以時慎脩能無待于來者哉且祭儀陋而未章祭器缺而未備所賴于潤色者非淺也爰記其始末以俟之祠成于嘉靖癸亥葺于隆慶戊辰重葺于萬曆己卯而族大叔備叔堂九皆與中憲公先後從事者得並記之

昔

萬曆己卯仲冬吉旦

賜進士嘉議大夫管祭酒事前

勅督兩浙四川學政副使九代孫義英頓首拜書

明故處士宜庵屠公配汪孺人合葬墓表

賜進士出身承直郎刑部河南司主事年家恭和胡直謨文

賜進士出身承直郎兵部武選司主事 邑人許汝驥書篆

余間閱搢紳士有發言悃悃兢々為約躬之行未有不自其先世好脩者也余于同年中昕名切劘若三四君子者試發其先世咸然以是得耳今寧國屠子宜庵翁行誼習甚而屠子之祖母汪孺人以今年二月十五日卒則又過余涕泣請曰昔者義英先祖方盛年已能傾廩困賑里中飢既匱竭即又割貲買粟向有急者隨多寡食之既又匱竭至自嚼草根木實不厭非直不厭也方食即又憮然語吾祖母汪孺人曰吾思某々家絕炊烟已以將解卧填壑也吾與若其奈之何而吾祖母汪孺人亦忍餓節蓄恣吾祖之為義日力先祖生醇實自童至白不知入公府門內行孝友外謙退好急人若奔嗜欲其天性使然又素諳青烏家為人相埋輒告意未嘗責報至延禮名師教兩叔父逮義英等不墮落士者業非

知榮祿位而趨之者今義英乃得從

朝士末惜不及吾祖猶幸吾祖母汪孺人存今汪孺人又背矣去矣而義英獨遠在數千里外旦夜莫為心乃者家大人書來以今丁巳年二月十八日合葬于先祖烏石山之兆誠得于一言表諸墓斯義英之為愜幸不小余因諾而退曰嗟信哉屠子之賢有以也亡何屠子以 使命將取道南歸其徵余言彌亟余因念古之孕賢昌嗣皆自其陰善玄仁隱側天至當上帝生之之心以翁與孺人所施則非獨今日將錄屠子世之閎耀其大德表于不可窮豈以余言足發者于是為以其言系之曰翁諱義字伯宜別号曰宜庵其先世曾祖父祥興母程氏以成化乙未年十二月九日生至丁未年九月初二日卒年七十三汪孺人以成化己亥年六月初六日生至今卒年八十子五伯龍即義英父其醇行大類翁仲彬邑庠生早卒叔榜亦補邑庠生季標機孫義英 進士任戶部主事義民庠生余所稱屠子相切劘為悃悃約躬之行者義英是也

昔

嘉靖丁巳年仲冬月之吉·己未年菊月立石子姓圖列碑陰

勅封屠西園翁夫婦合葬墓誌銘

予讀西園翁夫婦兩狀行而有感于正學之成必藉所由來惟質懿以副其志而後不渝于習以翁伯子枰石負不藉之志挺乎為世備似非成于所生而復見翁叔子皞卿宛其風物則兩胤者信有其來蓋各無待而立而惟翁惟配之蘊固敦然雅矣方時學士多門戶類徇于自利失與物為公之本枰石公之校學兩浙守法布明重本崇誼無所容以私其為心實故其道真而行公即狀以考而翁與配若其槩之出焉雖異同歛衍殊局其命意造端從違向背之微可執左券則豈無其謂哉翁勵操習而暴衷腑懇于接與來而能安背而能容求而能應居常庭訓有先其趨從則定伯子於文莊學于張本靜學定叔子于錢緒山學羅近溪學有正其率履則際得失必誠臨食服必誠昵姑息必誠當官情或慨時未

競或懲俗頹流或因其子欲捐職歸侍翁疾必誠此其為心實故
其事真而行公是故翁之所為翁者厥配太安人程氏自少有女
德歸虔婦道善姑嫜和妯娌給內勤而細豆不捐西園翔新宇瘁
力協成而異其弟無難色室僅一婢奉姑命依其小姑即樂從
之身約而不恡所宜豐用嗇而不發窶夫之竊于天人享報消息
盛衰之機及人世所為施受之堪否設處而切况之以為閨內之
勸此其為心實故其事真而行公是故安人之所為安人者翁姓
屠諱龍字文潛別號西園世為寧國人曾祖銓祖琦父義生弘治
丁巳九月二十九日卒隆慶丁卯四月二十六日享年七十一有一
太安人為山門程 女生弘治丁巳十二月二十二日卒隆慶丁
卯九月三日享年七十有一嘉靖庚申以枰石公貴奉

勅翁封承德郎戶部廣司主事配程氏封太安人然皆不以貴移其
素人益歸之男三長義英即枰石公登丙辰進士歷任浙江提學
副使婦楊氏同知楊嘉慶女次賢二蚤卒次義民即皞卿邑庠生

婦袁氏知縣袁澤女。一遠知縣鮑珉孫會孫男七。玄祚聘沈氏左叅議沈寵孫女。玄極聘梅氏庠生梅守蒙女。玄圭聘高氏縣丞高宗漢女。玄管玄齡望祖懷祖孫女。二恒亨咸亨以隆慶戊辰十一月二十七日葬于箬塢山為之銘。曰

人有言屠翁程配生同庚沒同歲壽同藏封同貴世同禔會予亦有言軋神坤慧竇同緣稟同粹合同符和同穗永錫爾類

賜進士出身刑部陝西清吏司主事歸安唐樞撰

西園公行狀

公姓屠氏諱龍字文潛西園其別號也。公生而醇謹不苟言笑。大父宜庵公慈愛好施。以公類已。每語人曰。是兒必大吾門。及長。勤苦淬勵。志在振業。衣不問新。敝食不問精粗。室無媵妾。館無陸博。諸噐玩晨興。即喚家僮。即事躬課。之與人坦夷。不為畛畔。無貧富貴賤處之平等。有欸以酒食者。雖非所愛。必盡其懽。有需之服用者。雖所愛。必應其急。或犯公。弗與較。終日陶然。外若無所別。

白而胸中涇渭甚辨居常訓子弟必述先公之言及侍食必曰先公之貽也甫輩母忘所自杼石君方總角時公聞本靜張子學遣往從之嗣聞歐陽文莊公講學留都復命同遊門下皞卿君稍長亦即遣拜緒山錢先生因與緒山先生為山門遊詩有最喜西園叟相期共白頭之句郡守近溪羅公關志學書院檄集六邑士復命皞卿君往嘗曰人不可無志農志于耕可無餒已士志于道可無過已兒無志即日侍吾側弗悅也二君受命惟謹公聞其向學輒喜至于進止遲速視之漠如也二君先後就試每遺書勉其盡分且云得失有命毋汲汲自苦杼石君既第時方尚賄公戒之曰汝但盡心職業毋濡足權門以圖倖進及視學浙江又戒之曰彼中學政以敝汝其殫厥心勉副

朝廷崇正學迪正道之命毋徒循舊套徇士情干時好已也杼石君至浙敦行誼黜浮薄進退惟法公聞之偕太安人往視甫十餘日可矣遂歸有富室數人共持千金求進其子弟者公禮遣之人

皆嘆曰未見不愛錢若翁者公居山門簡出城市乙卯郡守初泉
劉公廉其行檄督丈量時當事者多務深刻公獨行所無事鄉人
德之加靖庚申以枹石君貴封戶部廣東司主事邑侯數以蜡賓
請皆謝不往惟羅公督行鄉約間一赴焉聞嘉言善行歸即通告
族里俾知所勸非公事絕不以刺候府縣十餘年來東帶見賓客
之日可數也隆慶丁卯春公有疾枹石君欲棄官歸公寄聲曰
汝未仕吾之子既仕君之臣也今

天子甫臨九位世運維新且歲當解士汝歸孰與為君子疾少間語
皞卿君曰父母愛少子多厚遺之如邑中某之所遺非不獨厚今
未必能守也兒能自立吾之所遺不既厚乎但以汝未舉子為歎
然兄之子即爾之子汝能一体視之兄弟和好家門昌熾其在此
矣聞家人禱止之且戒作佛事疾革呼太安人曰我似有消息太
安人問心中何事曰心中有何事可說悉命人出安卧而逝蓋丁
卯四月二十六日未時也距生弘治十年九月二十九日辰時享

年七十有一先是有星大如盞遠屋三匝而没人以為徵云公生
男子二長枰石君登嘉靖丙辰甲第歷任浙江提學副使次皞卿
君義民邑庠生俱德位未艾女一適鮑僉孫男七長玄祚次玄極
聘梅氏庠生守蒙女玄圭聘高氏縣丞中漢女玄管玄齡望祖懷
祖孫女二恒亨咸亨玄祚即余孫婿也夫學至不易矣而端緒之
別尤難故親炙聖人者猶以言行之似惑焉其於是非之微固未
斬然辨也文莊緒山二先生學陽明先生良知之學探其精蘊本
靜寔文莊先生高第而近溪羅侯尤身任倡明之責世固有指為
異說者而公獨信其為是以子師之程太中之訓明道伊川不多
讓已公素渾厚不喜立名然余辱姻婭之末沃知懿德不可無述
也謹按枰石君所列事狀取其足傳者聯為篇俟采焉

隆慶二年歲次戊辰仲冬朔朝列大夫廣西布政使司左叅議前
奉

勅整飭漢陽等處兵備湖廣按察司僉士山東道監察御史宛陵沈

寵拜撰

太安人屠母行狀

太安人山門程女也以枿石君貴封太安人少閱雅莊重及笄
歸西園公事舅姑務敬順為悅西園公大父諱琦公好周人急屢
空不恤至西園公勉循之期振先業且太安人為冢婦事無巨細
皆責成焉于是日操井臼勤織杼滋畜字供澹瀆勞瘁百端有人
所不能堪者及築新室太安人其苦茹辛以助不給業就西園公
讓諸弟仍即舊居太安人無難色西園公姊婦王氏時太安人僅
一婢奉姑命欣然遣從自執諸務無怨言事西園公必晨興躬視
湯饌性尤喜儉約嘗取糶雜糞為食鬢不飭珠翠身不衣羅綺貴
且老未嘗少變至奉祭祀待賓客隨時物所宜必致豐潔族黨有
不給者輒量助之嘗見窶人于戶外掠資物去憐之不言更戒不
無問其仁厚類如此太安人弟孤貧無與共存立者撫之長娶婦
且遺以業歸之處妯娌和氣油然或有過必規之無諱枿石君

總角時西園公命從學太安人脫簪珥脩贄遣行枰石君既貴太安人不樂宦養惟皞卿君在侍聞郡守羅近溪公關志學書院集六邑士即命之往居常以勤儉孝弟為訓曰勤苦人之常分逸樂命之偶然某之勤儉貧而富某之侈惰富而貧某之孝順家道日長某之忤逆家道日消某當法某當戒也一日枰石君督家僮過激戒之曰兒無過求也惟見其短何可與同時日舍短取長無不可與周旋矣乙丑夏太安人疾皞卿君侍湯藥泣下太安人問之皞卿君謂不得以封錫報勤劬為憾太安人曰貴賤命耳長兒已第足徵祖宗善報兒雖未第慰我豈在此哉亦為善而已矣疾愈偕西園公往浙謂枰石君曰聞汝考校甚嚴恐諸生有不堪者且諸生前程黜草尤不可輕也枰石君受命惟謹丁卯西園公疾甚太安人衣不解帶目不交睫者越兩月及西園公捐館太安人悲痛過傷時作眩暈至九月初三日亥時忽中風返寢室卒太安人生弘治十年十二月二十二日戌時距今享年七十有一子孫凡

幾具見西園公狀中茲不復著太安人生后西園公四月沒后西園公亦四月里人謂生固庚沒同歲貴同封壽同紀蓋有宿緣云嗟乎世衰道微即士人鮮知大義乃太安人讓室無難色遣婢無怨言翁子從師卒能聞學成名亢宗昌世此雖西園公別義利辨是非不隨時沉習而太安人協相之助焉可証也所謂閨中士行者非耶枰石君俾撰懿行得闡幽先不愧無文輒加詮次以俟秉筆者

隆慶戊辰仲冬朔古林居士沈寵撰

明故南京太常寺卿管南京國子監祭酒事枰石屠先生狀

萬曆壬午歲十一月十九日嘉議大夫南京太常寺卿管南京國子監祭酒事枰石屠先生卒越歲丙戌令子玄圭詣留京泣血稽首即不佞竒謀告曰孤不幸先大夫棄捐四載所矣而不孝竟未克規所以誌而銘之不孝大罪也願誌且銘匪狀曷據狀而誌且銘之匪深知夙契者曷以稱焉竊念先大夫徃識公子儔士之中

有一日之雅其深知夙契去公亦更奚遺茲敢告執事者乞為我
狀之不佞竒謀思疇曩業博士家語授簡于先生之庭幸叨爽李
光榮莫藉斗山他日而今官南臺詎意先生之早歸田哉詎意先
生之早歸田而且逝哉乃君不鄙不佞竒謀遠托狀先生即弗文
何讓按先生諱義英字淳卿別號枰石系出趙宋有諱辰者避亂
再徙寧國易名姓始稱屠氏至宗生以青島學名宗生生員童員
童生琦好施活屨人鄉稱惠隱公云琦生義生龍是為先生父
西園公也以先生貴贈太常少卿配程恭人嘉靖癸未六月十九
日先生生先是虹光燭文脊里又祖塋震震聲卜曰當是鉅儒出
已而生先生焉先生兒童即闔英端莊七歲誦經史了大義十五
補寧國邑諸生操時莠孽邁自成家言有司每為驚服督學午山
馮公暨荆川唐公尤擊節許可名以是藉隆起嘉靖己酉領應
天鄉薦丙辰舉進士第授戶部廣東司主事時分宜當路以銓曹
啖先生而先生即不一往謁例餉边卻中丞數百金贐監山東河

南運戒猥獯之奸而寬假期會或有為先生謀者先生曰縱自愛如百姓何視淮揚庾痛懲侵剽蘓閭里流困請復本色祛蠹竇又疏復專委稅課收支額解等上下永利焉辛酉遷本部廣西司員外郎擢貴州司郎中時邊儲改折弗協凶歎先生乃議做古積貯條屯田子粒軍免羨餘闕蘆稅課等十二事清核虛冒選練供倍登耗出入方略皆犁然遠垂識者以為深得濟變之權也在戶部十年調禮部祠祭司郎中時慈谿注眷

世廟多所侵越先王獨持以正興廢申典雖蝟瑣必樹永謨曾不効要姸為也銓部方儼先生以清卿而顧執禮與慈谿卻遂補浙督學副然一時士大夫亦為浙士慶矣至浙品第多士各就所得而拳之明親長之義究義利之分與夫正鄉祀嚴鄉飲太淫祠端風俗立社學慎師範及發明良知之旨不憚躬率之勞浙士興起者數千人有鄒魯之風焉隆慶丁卯四月值西園公艱九月值程恭人艱哀毀殯葬如禮庚午服除補四川督學副其教蜀猶教越也

督撫繡衣露章交薦而參政山西之命下矣履任僅三日召二大
僕在太僕條馬政數千言改鴻臚卿有勤政視朝之疏會脾疾乞
改南補南太常寺少卿有正樂舞之疏攝京兆事力清賦法均行
市轉南光祿卿無何晉南太常卿掌國子祭酒時諸士多不若訓
先生曰此師範不飭也乃端軌範定科式而士咸彬彬向方遠江
陵以外艱戀位九列望風疏留要先生附名先生毅然投筆曰奈
何以明倫之官而媚人以無倫乎江陵乃諷省臣論劾之先生卽
上疏乞休矣歸來訓農課子徜徉林泉油然與鄉人處而不自
知其貴也然其足不及公庭書不抵政府惟門人故吏則語以修
身治理之要而督撫雅齋胡公至稱先生為天下第一人焉壬午
有痰疾每日肅衣冠坐病革謂諸子曰吾平日賴師友切劘庶幾
哉可免大過汝輩勉之絕不及他事惟先生賦性醇篤動率性真
言行不踰法度周折必中矩度視屋漏如明顯對妻子若大賓然
又矜持不事樂易可親焉尤天性孝友事父母前意承志待弟及

從弟訓愛無間教人必先孝弟推之可據而守之不難也大抵先生學恥俗儒上下賢哲古則濂洛閩閩今則白沙陽明東郭南野訥溪諸公也故其學以立志為的以取善為要以良知為實境以盡性至命為極功以人倫日用為體驗以剛毅宏大為持守嘗見士大夫譚禪學則曰釋氏主于脫離便自不可與吾儒同年語故其篤信好學執極不變蓋其心衷聖印而屹然立群儒之極也至于博綜玄覽蘊藉經綸凡禮樂名物天地之紀山川斥堠錢谷之數至冠婚飲射之儀悉研窮而殫其理不習而無不利又先生之餘緒云跡先生之學之抱之設施注措詎不足登天下于三五哉而竟沮大用豈天有斬于先生與惜也先生配楊氏封恭人河間府同知楊公嘉慶女子男四長玄祚娶沈氏廣西叅議沈公寵孫女次玄極娶梅氏庠生梅守蒙女次玄圭娶高氏同鄉縣丞高公宗漢女次玄管娶陳氏孫男十二紹烈娶胡氏紹羣娶趙氏紹經聘方氏紹勳聘胡氏紹芳聘梅氏紹賢聘朱氏紹駿紹心紹親紹

驥紹迪紹騷俱幼未聘孫女十四嗚呼不佞竒謀之狀先生僅存
什一于千百耳在立言君子採而銘焉

賜進士第南京陝西道監察御史檇李門生陳竒謀頓首拜撰

枰石屠先生行略

先生諱義英登嘉靖丙辰進士乙丑丙寅間視學兩浙時士習極
敝奔競成風獨先生毅然以返朴還淳為己任上至權貴下至故
舊凡有請托一切謝絕正文體培士氣閔防近習肅飭衙門一時
改觀焉考案一出即販夫豎子亦爭相告語以為至公至明也迺
若體道之密參前倚衡持已之廉寒冰苦栢任事之真肝膽必竭
執法之固山岳難移治家之儉糲食粗衣誨人之勤春風時雨蓋
其所以為身教者卓然不群矣司成南雍獨不與保留江陵之疏

其大節凜凜有如此者明農宛陵鄉人有屠夫子之稱其素行昭
々有如此者總之有伊川之方嚴而濟以明道之和粹有薛文清
之篤信而兼以王文成之經濟聞其風固已頑廉懦立充其量可
以坤轉乾旋惜乎泰山其頽梁木其壞使斯民不得見三代以上
之治功誠可為世道惜也

武陵門人江鐸撰

枰石公崇祀鄉賢文移

直隸寧國府寧國縣儒學廩增附生員黃廷佐許成芳吳堦楊玄
錫袁夢周等呈為崇祀鄉賢以褒徃行以彰風教事先該本學廩
增附生員包倣汪文言汪澗等公舉已故南京太常寺卿管國子
監祭酒事屠公義英崇祀鄉賢呈縣申府間蒙前任

學院太宗師柯憲牌行查前事該通學廩增附生員許成國汪文
言吳堦等各不扶結勘轉詳

兵備道候蒙批本官持已寒冰苦蘖體道叅前倚衡嚴毅若伊

川而濟以明道之和粹篤實若文清而兼以文成之經濟大節凜
々于南雍善教彰々于浙蜀既查年久論定仰詳

院示行繳前任 本府蕭已經申覆未蒙批允生等竊惟先輩迺後
進所瞻非名德無以勵俗通學係公論所出惟協一慶可採風謹
合輿情共撫實蹟伏睹已故鄉先生屠公義英天賦介特學就真
醇蚤聞東越遺言而潛思閉戶繼慕文莊倡道而躡屨及門執古
禮以居喪不飲酒不茹葷不內寢六年一日敦雅道以涉世無窳
言無嬉笑無介取予立獨行筮仕地曹殫心國計之重游登儀署
抗顏執政之前迨秉文衡本身心以明經術洎佐周寺據法紀以
戢權璫

簡命特拜成均師模聿新縫掖江陵因投筆而忤屹然砥柱狂瀾
廟堂亟賜環以徵夷然考槃在澗潛脩默証年愈邵而學愈勤守約
甘貧位彌高而操彌固郡邑禮殷下榻見不以私藩臺誼重式廬
談不及政楊縮清而聞者歛衽毛玠儉而見者滌心風降類江河

身以挽情偽譬秦越之背衆志成孚頌之孔明悼儀
刑之日遠

王庭易名之典非敢與聞鬻官侑食之文斬于得請伏乞

准輔呈轉達不特祀典為之有光其于世風實非小補為此具呈
須至呈者

知縣高 批查得本宦稟持孤介學術真醇講道作人越蜀共欽
山斗明倫維世氣節茂著乾坤範身皆禮樂綱常之懿當官恥媵
嬰脂韋之態如此品格詎高一鄉稽其風標可師百世今名久孚
于月旦俎豆尚爾闕焉公論難泯于士紳表章實待今日准應崇
祀鄉賢者也候詳院行

直隸寧國府寧國縣為崇祀鄉賢以褒往行以彰風教事據本縣
儒學廩增附生員黃廷佐許成芳吳堦楊玄錫袁慶周等呈稱生
等竊惟先輩迺後進所瞻非名德無勵俗 同前一段 止不特祀典為
之有光其于世風實非小補等情呈縣據此案照先奉本

府紙牌為崇祀鄉賢以勵風化事奉

欽差兵備副使表 該崇

欽差提督學校巡按直隸監察御史柯

憲票准

巡按山東監察御史鍾 牒前事牒開寧國縣鄉宦已故南京祭

酒原任浙江提學副使屠公義英生平懿行但未入鄉賢伏乞嘉

其素履之堅貞錄其立朝之忠義俎豆于黌宮斯文幸甚等因到

院准此查得本宦未據該道呈祥無憑查覈行道即查本宦果不

輿論允協該道曾否呈詳如係舖遞沉匿一面先抄原詳呈奪仍

即族查究報等因行府即查本宦該縣有無公舉生平懿行是否

年久論定曾經有無通詳院道逐一查明事蹟并官吏師生結狀

具由詳道以憑覆覈轉報蒙此備牌仰縣已經牒行儒學隨據通

學廩增附生許成國汪文言汪澗袁炳等具呈為舉札鄉賢以褒

往行以彰風教事竊照鄉賢祀典風化攸關惟往哲之褒崇斯來

學之觀感生等同看得已故鄉宦屠公義英德方而正守介而嚴

行止端莊動以古人為法操持清肅時惟禮教自閑邪動妄言毫
忽無干素履淫聲亂色纖微不點平生蚤聞王之遺言而閉戶研
思聖業已端于養正繼慕文莊之闡道而及門聽講師資逐契于
傳心學有淵源行非矯飭迨其入官而登仕一推幼學于壯行地
省慎收支紓百姓轉輸之苦春曹脩廢墜成一時明備之規况當
風會之流競奔方熾獨立堅貞之行名節愈昭不植黨於權門動
以清華之選而勿顧再裂書于津要中以排擠之計而莫撓兩居
督學之司大普作人之化本身心以明經術文治聿新端法紀以
彰士維顏風頓振在太僕則修復馬政規條具見于疏章任鴻臚
則整肅朝儀忠敬屢形于奏議爰領成均之寄益嚴師道之尊喜
程雪之開端遽陽麻之觸忌抗顏投筆惟知扶植綱常拂袖歸山
恥效逢迎勢要似茲出處之大節實成忠孝之完名矧膺仕餘二
十年田宅蕭然如舊及掛冠纔五十歲怨尤絕甬俱忘交薦不從
日杜門而養靜屢空不改惟樂道以忘年絕影公庭齊芳規于子

羽無書政府追遺軌于元城高風表正乎清時寔學光昭乎前哲
鄉閭頌德朝野推名誠稱一代之賢宜享萬年之祀呈學牒縣申
府查結未結轉詳深為缺典等情到學具結呈縣又據本縣士民
致仕知縣段袞居民胡讓等結勘得本官立身正大操履端方孝
友篤于庭闈仁愛孚于閭里歷仕三朝精忠不二行年六十純德
無疵膺顯秩而投筆忤江陵身係綱常之重樂立園而無書抵政
府望隆山斗之高似茲賢哲之挺生允宜祀典之首及奉公結勘
不敢扶同等情到縣先該本縣陞任知縣陶勘得本宦學紹心傳
動由古法後學仰同山斗閭里推為聖賢特祀允宜配享何忝具
由申詳 本府轉詳

兵備副使侯 蒙批本宦持已寒冰苦蘗體道參前倚衡嚴毅若伊
川而濟以明道之和粹篤寔若文清而兼以文成之經濟大節凜
于南雍善教彰于浙蜀既查年久論定仰詳

院示行繳又蒙 本府紙牌行本縣取結轉申間遇蒙

學院饒 陞任致未申允今據儒學生員黃廷佐等具呈到縣據此
為照本宦稟持孤介學術真醇明道作人越蜀共欽山斗正倫維
世氣節深攝權奸範身該禮樂綱常之懿當官耻媵嬰脂韋之態
如此品格詎高一鄉稽其風標可師百世令名以孚于月且俎豆
尚爾缺焉公論難泯于士紳表章寔待今日宜崇祀典以勵世風
者也緣係請詳崇祀鄉賢事理卑縣未敢擅便擬合備由申詳為
此縣司今備前由另具書冊合行具申伏乞
照詳明示施行

直隸寧國府為崇祀鄉賢以褒往行以彰風教事蒙

欽差兵備副使 張 憲牌該蒙

欽差提督學校御史 陳批據寧國縣申詳公舉已故鄉宦屠公義

英崇祀緣由蒙批

兵備道查報蒙此擬合就行為此仰府官吏照牌事理即查本宦
居官有何政蹟居鄉有何善行據議入祠崇祀是否輿論允協遂

一查明取具官吏師生里老人等不扶結狀一樣二本具由詳道以憑施行等因蒙此擬合執行為此仰縣官吏照依備云憲牌內事理即查該縣已故鄉宦屠公義英生前沒後行實緣由牌到逐一查明如果的寔取具該縣學官吏師生里老排年人等不扶甘結四本備由申府以憑轉報施行毋得遲違未便須至牌者府押直隸寧國府寧國縣為崇祀鄉賢以褒徃行以彰風教事奉本府紙牌該蒙

欽差兵備副使張

憲牌該蒙

欽差提督學校巡按陳

批據本縣申詳公舉已故鄉宦屠公義英

崇祀緣由前事蒙批

兵備道查報行府牌行到縣即查本宦生前沒後行實緣由逐一查明如果的實取具該縣學官吏師生里老排年人等不扶甘結四本備由申府以憑轉報施行蒙此擬合執行牒查為此合牒本縣儒學須查已故鄉宦屠公義英生前沒後行實緣由明確取具本

學師生共結一樣五本呈來以備轉報施行

知縣高夢旂 縣丞王銳 主簿黎伯能 典史張槿

結狀

三十五都二番排年里老人等程子明今于

與結狀為崇祀鄉賢以褒往行以彰風教事依奉結勘得本番已故大常寺卿管南京國子監祭酒事屠公義英立身正大操履端方孝友篤于庭闈仁愛孚于閭里歷仕三朝精忠不二行年六十純德無疵膺顯秩而投筆忤江陵身係綱常之重樂立園而無書抵政府望隆山斗之高似此一代之名賢宜享萬年之俎豆奉公結勘不敢扶同如虛甘罪所結是實

儒學廩增附生員黃廷佐吳堦汪澗今于

與結狀為崇祀鄉賢以褒往行以彰風教事依奉結勘得已故鄉宦屠公義英生前盛德無虧沒後輿情允協宜入鄉賢永膺祀典中間不致扶同所結是實

直隸寧國府寧國縣儒學今于

與結狀為崇祀鄉賢以褒往行以彰風教事依奉結勘得已故鄉
官屠公義英生前盛德無疵沒後輿情允協宜入鄉賢永膺祀典
中間不致扶同結狀是實

儒學教諭王士梅 押

直隸寧國府寧國縣儒學為崇祀鄉賢以褒往行以彰風教事承
准本縣故牒奉

本府紙牌蒙

欽差兵備副使張 憲牌該蒙

欽差提督學校巡按直隸監察御史陳 批據本縣申詳前事故牒

儒學煩查已故鄉官屠公義英生前沒後行實緣由確取具本學
師生其結一樣五本呈來以憑轉報等因承此遵依隨集通學廩
增附生員黃廷佐吳堦汪澗等當堂結勘得已故鄉官屠公義英
道本正心誠意功堪繼往開來探天人於幼學邇鄰魯而獨擅儒

宗策經濟于壯行陋漢唐而洞明國體端風教以還多士之醇龐
兩浙三巴共景山斗之望植綱常以愧群奸之附會六曹九列咸
推金石之操歷出處而惟孝惟忠瑩若水清玉粹覈始終而完名
完節皎如日朗星輝聲猷丕著於生前俎豆宜崇於沒後等情到
學據此覆勘得本宦高風表正乎清時實學光昭乎前哲鄉閭誦
得朝野推名誠稱一代之賢宜享萬年之祀取具本學師生不扶
其結一樣四本見在擬合呈送為此學司今將前項緣由合行呈
乞施行須至牒呈者

儒學教諭王士梅

訓導謝訓

吳善徵

直隸寧國府寧國縣為崇祀鄉賢以褒往行以彰風教事奉
本府紙牌蒙

欽差兵備副使張 憲牌該蒙

欽差提督學校御史陳 批據本縣申詳公舉已故鄉宦屠公義英

崇祀緣由前事蒙批

兵備道查報蒙此仰縣官吏照衣備云憲牌內事理即查該縣已故鄉宦屠公義英生前沒後行實緣由牌到逐一查明如果的實取具該縣學官吏師生里老排年人等不扶其結四本備由申府以憑轉報等因奉此遵依隨經就行本縣儒學查勘具結牒呈到縣并行拘該都里老排年程子明等到官審結在卷仍取具該都里老保結并儒學師生官吏其結同本縣官吏各不致扶同結狀四本見在擬合繳報為照驗轉達施行

本縣知縣高夢旂

縣丞王銳

主簿黎伯能

典史張楹

欽差整飭徽寧等處兵備兼理錢糧驛傳江西提刑按察司副使張為崇祀鄉賢以褒往行以彰風教事蒙

欽差提督學校巡按直隸監察御史陳 批該本道呈蒙本院據寧國縣申詳已故鄉宦原任南京太常寺卿管國子監祭酒屠公義英崇祀鄉賢緣由蒙批兵道查議報蒙此隨經牌行寧國府查勘去後續據該府呈稱行據該縣申稱依奉牌行儒學據通學廩增

附生員黃廷佐許成芳等結勘得已故原任太常寺卿管南京國子監祭酒屠公義英天性介特學就真醇蚤聞東越遺言而潛思門戶繼慕文莊倡道而躡躡及門執古礼以居喪不飲酒不茹葷不內寢六年一日敦雅道以涉世無寃言無嬉笑無介取子立獨行筮仕地曹殫心國計之重洊登儀署抗顏執政之前待秉文衡本身心以明經術洎佐同寺據法紀以戢權璫

簡命特拜成均師模聿新維掖江陵固投筆而忤屹然砥柱狂瀾廟堂亟賜環以徵夷然考槃在澗潛脩默證年愈邵而學愈勤守約甘貧位彌高而操彌固郡邑礼殷下榻見不以私藩臺誼重式廬譚不及政楊綰清而聞者歛衽毛玠儉而見者滌心風降類江河之趨一身以挽情偽譬秦越之背衆志咸孚顧評頌之孔明悼儀刑之日遠

王庭易名之典非敢與聞鬻官侑食之文期于得請伏乞轉達不特祀典之有光其于世風實非小補矣等因文據通縣士民段亥

胡讓等結勘得本官立身正大操履端方孝友篤于庭闈仁愛孚于閭里歷仕三朝精忠不二行年六十純德無疵膺顯秩而投筆忤江陵身係綱常之重樂丘園而無書抵政府望隆斗山之高似茲賢哲之挺生允宜祀典之首及奉公結勘不敢扶同等情到縣據此覆勘得相同該知縣高 看得本官稟持孤介學術真醇明道作人越蜀共欽山斗正倫維世氣節深懾權奸範身皆禮樂綱常之懿當官耻媵要脂膏之態如此品格詎高一鄉稽其風標可師百世令名以孚于月且俎豆尚爾闕焉公論難泯于士紳表章實待今日宜崇祀典以勵世風者也等因結申到府案照先蒙本道憲牌蒙

前院柯 憲牌准

巡按山東御史鍾 牒開寧國縣鄉宦已故南京祭酒原任浙江提學副使屠公義英生平懿行但未入鄉賢伏乞嘉其素履之堅貞錄其立朝之忠義俎豆于黌宮斯文幸甚牌發該道即查本官果

否輿論允協作速詳奪等因備牌行府轉行該縣查勘據儒學生員包倣段袞等結稱已故太常寺卿管國子監祭酒屠公義英德方而正守介而嚴行止端莊動以古人為法操持嚴肅時惟禮教自閑邪動妄言毫忽無干素履淫聲亂色纖微不點平生早聞王氏之遺言而閉戶研思聖業已端于養正繼慕文莊之闡道而及門聽講師資遂契于傳心學有淵源行非矯飭迨其入官而登仕一推幼學于壯行地省任收支紓百姓轉輸之苦春曹脩廢墜成一時明備之規况當風會之流競奔方熾獨勵堅貞之行名節愈昭不植黨于權門動以清華之選而弗顧再裂書于津要中以排擠之計而莫撓兩居督學之司大普作人之化本身心以明經術文治聿新端法紀以彰士維頽風頓整在太僕則脩復馬政規條具見于疏章任鴻臚則整肅朝儀忠敬屢形于奏議爰領成均之寄益嚴師道之尊喜程雪之開端邁陽麻之觸忌抗顏投筆惟知扶植綱常拂袖歸山耻效逢迎勢要似此出處之大節實成忠孝

之完名矧撫仕餘二十年田宅蕭然如舊及掛冠纔五十歲怨尤
絕甬俱忘交薦不從日杜門而養靜屢空不改惟樂道以忘年絕
影公庭齊芳規于子羽無書政府追懿軌于元成高風表正乎清
時實學光昭乎前哲鄉閭頌德朝野推名誠稱一代之賢宜享萬
年之祀等情到縣據此叅看得已故鄉宦屠公義英學博而粹心
正而純孝友篤于家庭耿介聞于朝野秉崇正闢邪之志存先憂
後樂之懷論學則辨析幾微慎公私異同之介持身則屏絕嗜好
有光明正大之操職度支而剔搜弊政國計常舒典祀禋而禮法
恪遵寅清有賴兩操文炳力挽浮薄以正士風載掌成均振肅紀
綱而嚴國體迨當流風之日靡益勵堅貞以自持抗志不阿動以
清華之選而不顧矢心剛直中以莫大之禍而莫撓撫仕餘二十
年不為子孫生殖掛冠纔五十歲渾無毫忽怨尤絕跡公庭惟杜
門而養靜怡情泉石井樂道以忘年嘉言懿行取重鄉評完節全
名追踪古哲允矣生有補于世教信哉沒可祀于宮墻等因具結

申送到府據此看得已故原任南京太常寺卿管國子監祭酒事屠公義英心事青天白日志操秋月冰壺鏡意聖賢遠紹閩閩絕統潛心道德近承胡薛真傳慕講道于文莊而擔囊卒業聆遺言于王氏而危坐沉思正色以却銓衡晏殊比介裂書以絕權要陳亮同操臨雍造士方膺署篆之司齒馬觸嫌遂決歸山之志撫仕餘二十年而田宅依然如舊掛冠纔五十歲而怨尤絕爾俱忘文章足範于儒林節義有光于前哲年久定論相應崇祀以風將來者也等因結呈到道據此該本道看得已故原任太常寺卿管南京國子監祭酒事屠公義英學粹光于荆璧道成潤于隋珠飭吏治以文章與晁賈韓歐分曹而奏按世務以經術與濂洛閩閩並駕而馳勁節振朝綱則屹若龍門砥柱清風維世教則儼如鳳穴梧桐允矣一代之典刑何忝百年之師範信宜崇祀以慰輿情既經覆勘無礙相應准從合無呈請詳示行府轉行寧國縣置主擇吉督同師生迎入鄉賢祠安奉以光俎豆以勵後賢者等因呈詳

蒙批看得屠司成文章政事咸優宦績鄉評並著如議行縣置主
入祀以示風厲繳蒙此除案行該府外擬合就行為仰縣官吏照
依案內批詳事理將本宦置主擇吉率同師生以禮迎入儒學鄉
賢祠以享俎豆毋得違錯



八二一三



明故縣學士靈巖先生屠公行狀

先生諱義民字皞卿姓屠氏其先系出宋宗室實為宣城王師祈別派有諱辰者避亂再遷居吾鄉之文脊里曰石馬塔始易姓以屠是為屠氏之始祖人謂石馬之屠即天水之趙蓋本諸此也自辰以來十許傳世有隱德曾大父琦以行誼著于鄉稱惠隱公大父義克脩其行父中憲公龍益敦行不急發于司成公枰石先生及先生妣太恭人程氏先生其叔子也始先生在髫齡時已自穎異不群其所常食之盂偶為他廁所御必不再用大父母異之曰此非尋常兒也少長從司成公學日誦數千言于書史靡所不究作文輒多警句司成公私心幸曰吾家花萼其有徵乎搃州受易縣博士補弟子員未幾超格授廩每督學使者試輒首先先生而先生固以實學推不獨時執中稱雄長也時浙西錢緒山先生得文成夫子正印先生徃遊門下尋復延致獅巖多所問難錢先生深屬望之居亡何羅公近溪來守吾郡群六邑士于志學書院申明

此學獨器重先生每進見羅公遠望之率私相語曰此吾大字門
生也其相得如此然自講業課藝外不置一喙羅公益重之是時
主縣事者萬安印岡賴侯事無巨細必咨詢先生唯恐不言而先
生卒未嘗一言他及人服其操先生嘗聚生徒開講澄青草堂遠
近聽者日亡慮數十百人館舍不能容復假館山門禪寺一時知
名士多出其門下已而丁中憲公及中憲夫人艱哀毀踰制勺水
不入者三日既卒事泫然讀礼于黃墟之側不御酒肉者三載時
以司成公命往求誌于歸安唐一庵先生往返數百里率扶杖徒
跣以行至破踵流血不一乘騎哀至輒駐杖躡踊如在喪次有杖
行記譚事畢忽有玄鶴飛憇不知何從來四明沈山人明臣作鶴
吊詩贈之因扁其所居之樓曰來鶴樓人以為孝感所致其族中
有飢寒者先生惻然曰無乃非一體而分我愉恬而彼顛頓安平
時分所有給之嘗有貧甚而以媳鬻者先生蹙然不寧曰而媳猶
我媳也何忍言鬻即計所需以周焉其閨王于歸有期急需一侍

婢卒無所得會庄鄰洪姓者逋貸願以其新婦償家人以告先生
曰縱彼心願其如我心何竟別買之歛人程姓者賃其居租久不
能償乃携所蓄書一束衣一襲納之且告别去先生受其書却其
衣且留之曰居租細事也縱無何害不聽其去始其族之人多任
情不嫻于礼先生日與司成公議建規條創宗祠定時祭製冠服
禮節約其俗而行之自是始彬彬稱盛矣生平多藻鑿喜引進後
輩遇治詩書者流無問寒微無不加厚焉淮南汪生者幼而弱以
小試不售赧于歸為亡賴者誘賣為杜遷之酒家傭先生怪其醇
雅倍其值而贖之歸加以衣冠俾為童子師又于双溪道中遊南
陵魯生云以家難故出無所棲先生憫而携之歸徐舍其長男受
學焉不半期汪生之父與其婦翁來覓去後莫知所終魯生則明
年以領批補驟諸生矣先生工于詩學且善琴或折韻自吟或拉
徽漫歌更或觴飲池上或緩步林間其樂事未可一二數至其發
憤下帷焚膏繼晷亘寒暑不輟其苦心尤有不容殫述者嘗僉其

燕息之所曰六峰房曰四可軒曰操存室曰獨得齋可以想見其
自脩自証之功而榜諸堂柱者又有云天地生我須為天地擔當
聖賢教我期與聖賢接續隨柳傍花漫向澄清尋樂意吟風弄月
直從伊洛探源頭蓋其實際也平時寓稱心定在家則曰文里居
士又曰文脊里人在澄清則曰澄清主人又曰桑苧子其在讀禮
後悲二親之未能報也則曰不孝子其往來于靈巖諸洞且潛習
于此也則曰嵩中生又曰瞿室山人至于學者尊稱之則曰靈巖
先生靈巖先生云先生動每率真所勵矯々風節略無假借或亦
有難堪者迨司成公告疾東歸多渾涵不動聲色而先生圭角稍
露人以伯淳正叔方之自是有潛沉意晚更滓渣漸融益見其可
親使天假之以年其造詣著見當不讓二程故步而竟沮志以沒
豈斯世斯民之不幸歟抑先生之不幸歟曩錢塘李明經上律來
游山門有言曰山門有屠靈岩溪山生色四明聞文學應科曰澄
清無屠叔子遂爾不成世界而其叔念恒胄監亦每嘆曰使六先

生在家庭間當自有整齊可觀處應不乃爾此皆一時有感之言實千載至公之論也玄自早歲樞趨門下受教受恩已非一日春中侍坐澄清先生出所作感興詩示有三澹白粥終朝飯一領藍衫半世衣之句玄詫之覺其有瀟索意不敢言逮夫二豎既臨猶講談不已玄勸之歸先生曰我固已恙也病將草玄往問候先生猶誦崔桐七科不第天留意四十無聞我自知之詩且曰若為我今日興也又曰我食朝廷祿有年矣未能纖毫報效豈肯虛負乎必且不死此其迷留之際而其志願猶諄々如此良可哀也聞其永訣時語諸子曰我平生未嘗作藥我之志未遂我後當有顯者爾等勉之須臾安寢而逝矣悲夫先生所著有四書意義易經意義游藝集崑中集淮遊稿六有稿閑中一得藁共若干卷捐館後為家人焚去十可存其一二而游藝一卷則在玄笥每思編而集之蓋有待也先生子于嘉靖丙申年五月二十三日沒于萬曆己卯年正月二十日享年四十有四配孺人袁氏故新城尹松泉公

女婦道母儀而有所程納趙氏亦以慎靜聞子男四長玄誠娶七里冲汪氏表出次玄證娶程氏趙出次玄誕娶袁氏少玄諧補博士員玄子婿也均表出女二一適許憲副五河子廩生成台表出一適袁生員德甫子庠生慶周趙出孫男五紹光紹中紹栢紹箕紹啟孫女六吾鄉自鄭景烈胡用之兩先生者得承伊洛淵源禮教脩明遠有端委近自錢羅繼倡一時人士霞蔚雲翮致有宣州鄒魯之稱豈嘉定淳祐間所能比盛而先生則親承其緒者玄得聞其謦咳最悉也往年遭慈親棄延喘倚廬人或以為庶几乎能行古之禮者而玄則何敢也時先生過廬中慰之不辭為之作狀且勗曰先王之禮本緣人情稱時宜而定之制不可毫髮少越也者自秦漢以來聖賢不作禮教不明人各徇其習便俗節以為用而喪禮遂為不傳之迂度何子果能執禮不貳也則母氏之賢當必有迷噫言猶在耳也而先生不可作矣生身理學之區矚目儒先之造憶斯言而耿耿悼錄之以七奇然守先生之教則斤之焉

惟恐其終有所負也今先生諸子泣以先生之狀屬此固門弟子
之職其何敢辭嗟々典刑不再仰止徒興敬即平昔之所見聞者
綴之為篇以復諸子之請以俟大方執筆者採焉

昔

萬曆壬寅季秋月中浣二日門人尚白生何應玄謹狀





上海圖書館藏

五

慶

浴翁屠尊親家老先生九十衰辰

寧邑古宣近地其俗古素稱多渾漚之士浴翁屠君寧令德者也嘗聞其槩云值予戚高君梅橋通姻于君之仲嗣得益聞所未聞若佩若服若親趨君之左右而沐其誨者吾于是已知君之必壽知君之必以壽昌後也是年八月十二日君壽嘑九袞時予居京師高君梅橋欲徵予言以祝予不佞無以應然屠君之德與壽不敢默且不可虛也洪範五福壽稱首焉矧年九十豈偶然哉天人上下毫不可爽人之彌爾性者必其能養其天真保元精以不鑿生之意不然則德施于人天時厚其躬者也故以德獲壽雖名不同而格天迎福則惟曰敦朴曰溫和曰謙曰厚施植德四者備具永錫年也予不及見德于屠君而習聞其德于高君君生而體質凝厚儀度宏深忌春華採秋實而一毫靡麗之習不染于心與鄉人處由予予未嘗有疾言遽色態即有犯弗校也世為望族

而氣嘗下人聞人謏言遲遲不敢承家故多貲儉約如寒士于宗
族戚里有匱之輒濟之君其敦朴沿和者也謙而厚施者也備四
其自結于天者厚矣故宜壽命之永賜也且壽有考終令命者有
流芳百世者若穴引年孰與斐聲藝苑以揚令名于無窮考暨自
老孰與揔攝頭要以彰我之能教者耆駢臻孰與立宏勳垂簡冊
以善養而安我之志意君七子諸孫多賢且達將擬律科捷南都
以揚君名矣將著官聲躋頭達以彰君教矣將立宏勳垂竹帛以
善養君矣是君不以得于天者自多而生以脩于己者自勉不惟
以壽終其身而且以壽及其子孫也衛武公年九十有五而詩人
以切磋琢磨金錫圭璧為武公壽吾不知屠君之依礪果有琢磨
精純否敦朴溫和謙厚施君以是獲全福又不當時無以是揚武
公豈武公少此否何不同若是也同不同無害也武公之交徵與
君之砥礪則一律也以養身以昌後天眷將未艾矣以是為祝

萬曆甲戌秋仲之吉

賜進士第承德郎戶部福建清吏司主事前雲南道監察御史眷生張克家拜撰

眷侍教生高子昂

男一貫全頓首拜祝



何氏宗譜



壽待封西園屠翁六十序

歲惟丙辰西園公壽躋六十九月廿九日乃其誕辰也允我鄉士大夫以有同鄉之雅也而圖所以壽又以予與厥胤梓石有同年之誼也而僉予為之序予不能辭則作而曰夫壽豈易言哉夫壽也者受也受之天全而歸之斯之謂壽夫壽豈易言哉是故德也者天之委順也不能立德不可以言壽生也者天之委和也不能養生不可以言壽後也者天之委蛻也不能昌後不可以言壽何者受諸天弗克全而歸之雖壽猶弗壽也或曰西園公乃今已六十矣矜名飭行競_レ馬未嘗少懈而鄉人之稱之者無間老幼立德若此可以為公壽乎曰未也精神宣鬯筋骨道勁齒髮巋然不改于少壯時養生若此可以為公壽乎曰未也今年枿石登甲第蹕有台輔之望而厥仲淳甫馳聲藝圃亦無忝於乃兄則他日厚饗榮褒以衍一家之慶且未有艾也昌後若此可以為公壽乎曰未也予聞公之為人也質直簡納不事欺閉事父母朝夕溫清不

厭若童子然處兄弟公財給產未嘗計其便承府檄督丈量奉法
平恕鄉人感德之翁曰行所無事而已何德之有此則不蘄立德
而德自至者也性愛澹素服不求美田園室廬不求廣遇凶年必
以有餘散諸族里之貧者雖罄所有亦不之恤此則不蘄養生而
生自厚者也居家庭每述古聖賢之懿行以教其子聞南野歐陽
翁今之有道士也則令枰石從之緒山錢翁以講學至水西亦令
淳甫受業于門而躬往拜之故錢翁常贈之以詩而有心賞得仙
儔之句自是益勉其子以古聖賢自期待第與不第弗問也此則
不蘄昌後而後自顯者也夫德至則本立而天之委順以完矣生
厚則体固而天之委和以萃矣後顯則長而天之委晚以延矣以
是而為公壽其殆庶幾乎雖然此公之所以為壽也而猶未及乎
枰石之所以壽公壽也夫枰石之所以壽公壽者豈有他哉亦于
已取之而已矣蓋有子如明道伊川則太中之德益重于時有子
如晦翁則堯年之名至于今且不朽焉枰石素有志於程朱之學

者也予願益勵厥志益懋厥修凡受諸天者全而歸之凡受諸親者全而歸之則能以程朱之道淑其身而以太中堯年之名顯其親矣所以壽公壽者又焉有窮也哉乃若躐取聲譽驟致通顯侈封章鼎養之隆以夸詡于鄉人此則謏者之為耳固未足為枿石願亦未足為公壽也鄉士大夫咸拜首曰是可以為公壽矣厥配程夫人十二月廿二偕躋六十是亦可以為夫人壽矣爰書其說以為序

賜同進士出身年家晚生方新頓首拜書于京邸之息游堂

翰林院學士李春芳 翰林檢討馬一龍 京衛武學訓導李良机

都察院河南道御史盛汝謙 通政使司經歷潘温 戶部福建司郎中邵齡

刑部雲南司外員王可大 內閣誥勅房序班楊芳 中書舍人 吳瀛

工部都水司郎中汪中 刑部廣東司主事章世仁 兵部武庫司員外汪道昆

刑部浙江司主事時通 都察院江西道御史宋賢 翰林院四夷館署程陶祥

戶部山西司主事程廷策 行人司行人何奎 禮部儀制司主事吳仲禮

刑部福建司主事阮自嵩

湖廣黃州府推官吳宗周

戶部山西司主事韓叔陽

觀吏部政進士葉宗春

觀吏部政進士程大賓

觀兵部政進士鮮明瑞

大理寺左寺正葉彬

通政使司知事汪旃

鴻臚寺序班汪鏜

光祿寺監事程民彥

營繕所正韓繼宗

仝贈

慶

西園屠老先生偕程孺人雙壽序

寧國屠君與余同舉于鄉其間不見者凡四五載既君第丙辰進士與余同處都下宴會間見君議論風旨卓卓有偉男子氣而深沉和厚且有俾余儕輩如君亦不多得意得于家教為多既而君以其父西園君年六十暨其母孺人亦與同壽且誕辰相距不三月也乃述其家行屬余文以為壽余乃嘆曰有自哉夫世教既遠父母所以為其子與子所以為其父母榮者不過隆赫眩俗耳目然後稱快求其溪徑又不過聲病剽竊以攫取一時富貴至于有能推明先王之道卓立一時彼一見之不以為迂則為以病

甚至戒其子無得往來者而西園君獨能脫去習見時歐陽文莊公方倡學南都君特遣其子不遠數百里從遊門下比接論旨卽以為足至仕進遲速漠不為意而君方且孝弟惠義恬淡寂寞以為二子倡則屠君之磊落深厚超出時輩信有所自云余聞古者養老之禮德業行誼足為師表年及耆艾養諸太學則天子執醬饋執爵而醕其老者晏然受之不以為過其未及太學則鄉之士大夫相與率而壽之以風示鄉之子弟今西園君之德齒語其大者既足當太學之養縱不能然亦宜相率稱壽於鄉以風後人而余與君同為鄉人且與君之子同舉於鄉在子弟列而余方縻官于

朝不得與鄉之士大夫追趨先後舉觴而祝慶也于其壽不能無辭
嘉靖丙辰孟冬之吉

賜進士第刑部郎中年家晚生姑蘓錢有威撰

吏部考功司主事施堯臣

吏部稽勳司員外郎宗臣

觀戶部政進士金甌

戶部河南司主事謝教

禮部儀制司主事吳承燾

觀吏部政進士方新

刑部江西司主事吳邦楨

禮部儀制司員外郎白啟常

觀都察院政進士夏時

戶部江西司主事袁隨

刑部四川司主事董傳策

觀兵部政進士吳介全

壽年伯西園屠老先生暨伯母夫人程氏具慶六十序

屠子淳卿舉進士于丙辰留京師集同志者若干人浹旬而為會期相成也閱九月屠子以次主會事于會請曰某無似叨甲第于具慶頤為幸莫大而吾親方齊壽造是歲周甲子焉其為幸也孰加念吾翁以茲月誕吾母以嘉平相距不三月也某此是留賴與諸君子遊處焉獨不得捧卮酒跪膝前展歡娛于旦夕茲則于其情有不釋也某頤乞言遙寄以壽吾親子其謂何大河曰孝哉屠子其所以得於天人者交相成矣而有不足以壽其親矣乎今天人子之欲壽其親其情同也而遇不同今夫人親之望于其子各有所屬也而副其望者亦難乎其同矣是親之于子其所以相求者一有未值雖欲為壽其可得乎故望其子以名譽者非科第無

以壽其親望其子以德業者非問學無以壽其親然科第存乎天
者也其得與否我不得而與也問學存乎人者也其力與否我不
得而委也是固屠子之所以交得于天人者而其所以壽親者則
在此而不在彼也吾聞翁之處心也以不求知為德以不求報為
施夫婦日閑于西園十畝之間一切世味吞吐如蠟其教子也
責之以移忠之孝而又戒之以干祿期之以顯揚之道而又防之
以近名則翁之所以望子者又在此而不在彼也然則翁之所以
為壽者可得而知而子之所以致力以壽其親者當必有在矣異
日格心之學上通于君而膏澤下於寰宇四方之學者知所向慕
其流風餘潤數世尚或利賴之稱頌功德者交口不輟曰偉哉夫
也此亦人子耳不但已焉又為之推本所從來則若翁若姥庶幾
云觀于心目此其為二親壽也大且遠矣然則吾子之所以壽二
親者又不在二親而在吾子矣吾子懋之哉屠子起拜曰敢不敬
吾身以祈壽吾親遂書以為序

肯

嘉靖丙辰菊月既望

賜進士第觀夏官大司馬政常郡延陵趙大河頓首拜書

李廷觀

陳萬言

楊旂

徐紹卿

顏鯨

袁溥

嚴文梁

高察

章汝槐

揆時賢

張夢鯉

沈桂

解明瑞

夏時

徐必進

會友胡直

唐汝迪

唐景禹

鄒應龍全贈

伍令

鄒善

陰武卿

李承芳

程大賓

黎桂

鄒光祚

王嘉言

胡應嘉

劉峴

張科

俞汝器

蔡國楨

黎元

慶

前溪屠君六袞叙

伏以

乾健麗中天花甲喜弘開錦里 坤柔載后土璿璣忻並曜蓬壺
鸞鳳諧同心之律呂龜鶴獻雙壽之禎祥快靚白頭有倖足徵黃
耆無疆言效蟲鳴心馳燕賀

前翁屠老親家暨 親家母屠老夫人兩儀毓秀百規儲精天柱
高而山丰聳黛恒稱慶于龐眉地脉長而菊水頤神必徵年於皓
首健順秉天地之彛倡隨和陰陽之誼况夫肫仁崇信義姻婭交
締于百年厚德殿澆漓金石垂信於千古以故瑞楹膺天休海屋
紀琅籌之算丹書榮福履芝田掇緝草之英東方圖繪堪誇萬石
家聲西母刀圭真羨三千桃實老人星畔起長虹掩映班禰舞袖
織女机前騰宝霧離披戲彩霓裳丹谷泉聲恍惚奏神農仙樂珠
林天籟依稀听珥簫篁秋水共長天駕蓬萊距方咫尺朝霞飛彩

袖尋丹竈近可徜徉石髓荐金鐙稔信飡同却粒瓊漿酌玉葦懸
知醉引醍醐比素封于萬戶允矣山中宰相之尊繹煉鼎於千齡
展也陸地麻姑之胄山青而石髮增妍祥符斗宿水冽而溪毛獻
古瑞演支机挹長庚之燦々争看影射金函吸寶婺之晶々共喜
光搖仙籙葛蘿私附鵲躍欣騰杼素悃以陳辭竊華封而効祝迺
于是祖孫供帳小火揚休再進酒而侑之以歌曰窈窕兮山門武
陵兮自成村鷄犬兮猶存又曰突蕪兮通灵登磴兮飄霞襟四望
兮無垠乱曰列仙兮瞿劓坐石兮契無生翱翔兮為群三疊戚里
駢闐子姓交錯投壺雅歌洗箏更酌主人揖客相與傾北海之尊
獻南山之壽婆娑乎青尊白髮之前翩躚乎紫萸黃花之下和陽
春歌白雪曾莫知天地之既老日月之圓缺更酬之以兕觥之三

疊云 肯

萬曆丁酉秋九月既望之吉前湖廣茶陵州同知梅寶偕孫

梅三奇
頓首拜



賀文麓屠先生恩進士序

歲之辛丑

聖天子冊立長君后旋有詔天下御史大夫所屬索士以盤谷之桐次岸之竹為當焉尋索余邑得文麓先生先生力行積學有年而鄉書屢斬其名是以得為黉尾歟為豹班歟荆之璞工匠不眸卞氏收之為玉圃鎮一投而泣再投而削已而為宗廟世寶至今聞者莫不謂卞之玉也隋之珠亦猶是焉二者蘊精蓄彩吾不知其日先生之謂歟天下未珍與而出于卞隋之家余輩則有以私其耳目者矣余北里有社多士造焉先生足以重余輩也余之社即不敢言人卞隋卽今先生之光尚未出吳門漢井也而重先生為木鏡為蒼璧實余社中得之最先矧先生尋是而連城而萬邑而文章不朽則余未聞得玉而失其浦也則余未聞得珠而昧其淵也先生之光為余社重余業知其為天下重矣余社之復以先生重則又嚮者論玉論珠之說也余嘗怪蜀人搢舟動曰長

年曰三老及通以扛鼎之術始洵執耳之功開頭之力並有重云
余社之推先生先生之執余社其賴之執耳耶其為之開頭耶卓
推帝子豈等士人乃今日索士之典則亦為樹木建瓦之意耳而
紹老史宿儒爰及先生又誰謂異余社中長先生意乎說者曰是
典也 徽號之恩非緣冊立起也果爾則余之說謬也余曰不然
即是典也而出於徽詔然而與樹木建瓦之意果若南轅北轅否
乎

祖制以拔士之恩宜從錫類之義故是典布于徽詔而余以為徽詔
之布即踵冊立不稍後也豈非朝廷欲借毗得人以廣羽翼之深
意乎而終不謂余之說謬也抑余謂一金之遺帟布不安乃有拜
息之命而不察濬情之遠其何以為仰答耶余習聞夫通墳典者
通丘索者過廷而許為社稷臣者已而國家果厚賴焉是乃先生
之宜自盟于今日也缺社中或有繼先生而起者為之下風佐命未可艾也
萬曆壬寅歲孟秋之吉眷社弟

梅先春 楊國幹 鮑欽詒 梅際春 楊應茂 梅南陽
姜廷志 程允臣 楊應華 門生 危邦 鳳 婿 包 邦 甲 姪 孫 玄 震 玄 諧 玄 頌 首 拜

送

屠大夫擢浙省學憲序

初春官祠部郎缺難其人乃屠大夫以戶曹遷若秩既而浙省督學憲臣缺更難其人乃復以吾屠大夫徃其任祠部甫八月耳余既以部中遠此賢佐為戚又以浙省諸士人得師為幸而更以屠大夫得行其所學為慰也宗伯之屬四而祠部主

郊廟祭祀之重兼天文地理之紀下逮釋老醫卜巫瞽藝事其職甚繁其事甚博而遊食百技之徒多出入于公卿貴人之門其勢紛然靡定是故非有明決之才者不足以析其情非有該洽之識者不足以達其要非有確然不可拔之搢者不足以貞其守故任是職者為難大夫稽故實遵

典制釐宿弊舉墜法每有所建白輒當于余心諸所當興革者無不毅然以身任之覈冊籍定軌式序遣用正冒濫申教習嚴舞慢雖瑣屑細務必思為永久計不為勢回不為威惕所與余共成治和

之績以上贊

預警之德下垂明脩之規者方欲與大夫圖維厥終而浙省之念尋下矣夫浙吳越之區而江海之會也其地勝而鍾靈其大夫士秀而多文鉅公名卿勲烈相望而雋才射策者數甲天下固彬々若是盛矣然邇來士習或文靡于實言浮于行叢雜以淆辨勦襲以眩觀僥倖以獵譽請謁以媒進者亦常有之其轉移化導之机惟在督學憲臣故任是職者為尤難大夫稽古正學肅度秉公才足以運其繁識足以精其鑒守足以定其衡所以杜浮靡析淆眩絕僥倖拒請謁以崇實學惇實行挽士習之弊而還之淳雅篤實之風者是固余之所以試於大夫而厚為之望者也大夫之學本諸身心發之實意施之實事故足以養其才精其識豫其守以待內外之政而處之克修克脩不沮不撓蓋其所得于學者誠深矣昔陽明先生首倡正學浙固其所產也其風流餘緒多有存者大夫入其鄉式其教而又身為文學之宗主則夫出其問學之素以興

起浙之人士于正學之趨者固大夫事也浙之人士其亦有賴哉


夫宗伯之職固以興學造士佐我

皇上右文之治為任者故以是望諸大夫

嘉靖甲子歲冬十月上浣之吉

賜進士及第

八子太保禮部尚書兼翰林院學士維揚李春芳撰



左侍郎秦鳴雷

司務林啟昌

郎中 吳雁 包樞 芳

員外郎

主事 胡定 威元 沈節甫 嚴大紀

主事

馮敏功 余立 胡儋 劉奮庸 吳教傳 郭斐 楊俊民 王凝 徐廷裸

右侍郎高儀

贈憲副枰石屠先生督學浙江序

祠部屠君淳卿既拜越督學之

印同志諸君子祖諸郊胥俞貴以言貴竊有志於學而怠且闕方賴屠君之督予也茲能以忘言乎哉予固樂乎屠君能昌其教也今夫教天下以射必期諸羿教天下以御必準諸造父造父天下之善御者也羿天下之善射者也然羿不得弓矢無以見其巧矣造父不得輿馬無以別其能矣屠君之學希聖之學也然善學者必歸焉希聖之學非徒以善其身必思以善天下越固士之與區天下所取則焉屠君之善學得越士而督之是假造父以堅輿上駟而以良弓矢授諸羿也使天下回心而向道自君始已慎之哉或曰越之士比屋業文彬彬盛矣復督之以文是益其靡也益之是奪所便也士肯翕然舍所學以從我乎夫士之以文取世資也非一日矣奚獨越之士為然奚獨今之士為然文者華也其實則根于心也士之學者必培其實而以裸諸文督士者必因文以核其

實見豹之蔚而知其猛也見鳳之苞而知其神也一節見則百節章矣文固士之一節也文豈可舍乎哉若夫羊質而豹躡剪勝以為軒翥日趨于靡而忘其實焉是文之蠹也豈可以無易乎哉是故居敬窮理以培其實敦行崇質以易其靡其為文也不既多乎夫文教之盛衰與世道為升降也今

望天子圖躋斯世于大猷臺省建言必慎簡督學之臣以培之而君首膺是命薦紳大夫咸相慶曰屠君必能昌其教于越也予信之天下之士信之是豈可聲音笑貌為哉亦君之實亦足以孚之也上以實倡下以實應予知君之未至越也越之士舉忻然知君之所嚮而迎之矣君因其迎之也而入之不既易乎雖然聖人之教譬諸洪鍾大叩大鳴小叩小鳴不叩而鳴則疑且駭矣士固善君之鳴矣亦必待其叩而應之毋使士疑且駭焉鍾氏之染羽也三八為纁五入為緹七入為緇其入愈深其色愈重君之染士也必七入之以需其成毋使士之為纁為緹而遂已焉夫以洪鍾

鳴諸始以緇染諸終天下之士不回心而嚮道者予未之信也世道之隆自是可卜矣温守予之弟子君為同升今屬吏矣亦有志于學者君之振鐸所至寧無一助乎予日望之屠君津然喜曰愛我哉諸君子之督英也敢不日俛焉以從

嘉靖甲子歲孟冬之吉

物進士出身翰林院

國史編脩文林郎豐城浣所李貴謹贈



吏部考功司郎中陸光祖 工部虞衡司郎中施篤臣 山東道

監察御史徐爌 刑部浙江司郎中方良曙 吏科都給事中趙灼

礼部主客司郎中包禔芳 尚寶司卿王時槐 戶部江西司郎中

林烈 光祿寺丞萬中謙 礼部祠祭司郎中柴洙 工科右

給事中胡應嘉 兵部武選司郎中錢鎮 湖廣道監察御史張櫛

刑部雲南司郎中樊恒 吏部驗封司郎中唐汝迪 工部屯田

司郎中韓邦憲 大理寺副彭汝賢 刑部湖廣司主事張大忠

武學教授楊魁 工部營繕司員外郎周以魯 刑部浙江司主

事高察 中書舍人王君賞 吏部稽勲司員外郎曾同亨兵部

武選司主事賴嘉謨 太常寺博士鄭欽 吏部考功司員外郎

劉一儒 禮部祠祭司主事馮敏効 刑部陝西司主事徐用楡

吏部驗封司員外郎胡汝桂 禮部祠祭司主事吳嘉傳 行人

司行人張從律 刑部陝西司員外郎沈志言 兵部武選司主

事孫光祖 太常寺博士艾可久 工部屯田司員外郎吳一介

刑部福建司主事王錫命 詹事府錄事潘允亮 吏部文選司

主事武金 刑部廣西司主事黃國華 兵部武庫司員外郎常

三省 仝贈

贈枰石屠公祖老先生年丈督學浙省序

今所謂崇古好脩之士率高尚遠鷺卑視職業其心固薄俗吏不
為也而蠹廢交承不免迂踈之弊至專吏事習簿書則又急于操

切邈無雅意斯二者皆過也夫古之君子豈以脫畧為高而又豈徒以明習為能哉善乎孟軻氏曰君子脩其身而天下平夫身至約也天下至廣也身修而天下可平則其所執持固至易至簡而其所措施經畫者未始不詳且盡此其体立而不虛用行而不雜古人之學之所以全而無累也余同年枰石屠君自為諸生尚古道舉進士迄今尚益篤尤傾慕陽明先生為人讀傳習錄格致書允之有得也心夷貌質與之處于馬耳猶于馬耳乃其服政居戩剔勵剗刷即老吏不如矣意其所作用如此誰得以為迂而亦豈徒操切簿書無所以為之本者乎君始為戶部計核摠覈文以雅素大司農藉重焉以才為祠部郎屬

今上欽崇郊廟明脩禮樂大宗伯直贊于內君所為疇咨罔不怡然洽也視事總八越月諸所廢墜罔不脩舉宿蠹悉祛不撓不激動遠厥中蓋庶幾乎古人骸用之學矣今年九月兩浙缺督學憲臣吏部以君名上得

請夫浙固多文士然類惟勦竊藻繪俗以習成無論性命身心之旨
即求諸淹貫博洽百不得一也吏部之以君往也其亦欲行古之
道而變今之俗乎是故始之以帥先繼之以引迪道行而教成俾
允敦古崇實真足以濟當世之用者不問知其為屠公弟子則豈
獨兩浙之幸將社稷是賴而君亦且樂古道之信能行矣抑余讀
王制因有感于古之教士者勤惓忠厚愛人之無已也蓋其掄秀
之典自鄉而司徒而國學其慎重與今相埒獨其簡絀不肖則始
移之卿移之郊移之遂猶冀其改悟而收復也蓋終不悛遷而後
棄斥不齒焉其優柔誘掖不遽絕人也如是乃今固有糊名一試
俄頃黜落而終身不錄者夫豈古人愛惜人才之意乎矧力行孝
弟則萬石君家不優于文墨而倚馬萬言讀書千卷君子或訛其
不識一字然則以一藝概一人雖今之制不可更而所望于行古
之道者調停扶抑毋俾靡俗日勝則其及于人者遠矣夫陽明先
生教人先良知不欲人為舉于業使其篤學課士當不獨以文藝

明矣君固嚮慕陽明先生者向徒讀其書耳今入其鄉式其閭必有見知君子相與究体用合一之旨并所謂良知之說者說尙曰

數學半惟此行為然

嘉靖甲子陽月望日
賜進士出身禮部祠祭清吏司郎中年治生柴涑頓首拜撰

侍生康憲

林啟昌

龐遠

吳紹

包樺芳

戚元佐

沈節甫

嚴大紀

胡定

胡僖

馮敏功

王凝

余立

劉奮庸

郭棐

吳教傳

徐廷祿

楊俊民

賀枰石女文榮第錦還

伏以

丈夫挾策獻

彤庭動總裁之物色孝子驅車旋梓里承具慶之懽心歸旌繞日月



之輝聲價增岳山之重壯君闕閱光我門楣共惟

明進士屠枏石女丈大人翰望執事德器夙成藝文兼備少資師友
輒銳意于希聖希賢首重

君親期完名于盡忠盡孝壯心胸羅乎萬卷奇才目下于三行敏捷
本天然援筆立成于倚馬姻緣非偶甫牽緣幸屬于乘龍慨寧邑
之甲科降于宋代追吾鄉之進士始自王平緣文眷之鍾靈迄西
園而競秀挺生哲嗣肇第賢科已酉秋月闕分香已動我六襄翁
之喜丙辰春瓊林錫宴更開茲三百載之荒書啟泥金芳均桂玉
雖五河之首奮若為挹秀郡庠迨枏石之連登爭慶開先邑學邇
積德並驅于司馬固知大發于君據稽古倍力于桓榮焉得不伸
其志蘊蓄則文謨舜典非徒口耳詞章發揮皆孔思周情不事皮
膚伎倆所以三場之氣焰奪目而一論尤精采驚人桃浪鼓春雷
奮頭角超騰于碧藻薇垣陪夜雨煥羽儀接集于丹池屬歲時之
財賦維艱謂經濟之臣工是亟借司粉署用展青材捧

九重之詔籌邊威望頓乎上谷瞻萬里之雲祝壽孝思以繫陵陽梅
柳爭妍文旆歸來春正好斗牛交會奎光團聚景方新帳老妻不
及見風流幸衰老猶獲瞻丰度自愧匪冰之莹夙叨倚玉之緣利
穎既脫于囊中戲綵暫停于膝下惟君子仕而行義為人臣忠以
忘家匡時念切于東南許國憂關于西北何以實邊儲裁冗費畢
竭其忠所以裕國本係群心勿忘所學甲兵兼任師貞端任于文
人臺諫專司言路勿撓于貴戚假寵玉堂金馬豈止于文章潤飭
皇猷面承

天語龍顏要在於誠意輔培

聖德是為科目之望賈董曩時獨對之詳亦曰職分之常伊召當年
自任之重將以勒鼎彝而垂竹帛豈惟彰族里而耀房帷詞調賀
新郎郊迎申素悃一錦裁宮綠染天香仙郎物色內家粧束十
里春風杏花陌遊遍馬蹄未足正得意少年追逐白玉橋東文字
手咲談間經濟餘芻粟分內事誰云俗霜威忽震邊庭肅望雲

橫南嶠回首養移公餽芳草垂楊遍照耀歸旌春光滿目恰正是
風流坦腹戲綵西園休戀之趣明時之叅贊凝清穆軫念否人幽獨
嘉靖三十年戊午春正月廿四日癸酉舅氏白雲山人揚嘉慶撰
賀淳卿女文五十初度

伏以體弘強毅久窺乾道之純命洞精微欣仰聖功之密誠為不
息壽乃無疆共惟大藩伯屠淳卿女文大人執事德性安之元精
炯之揮毫以補造化對策而動

天王祠部典邦儀悅神人而和上下文宗敷學政兼行藝以服師儒
乃六月望之後四朝寶五襄期之臨誕日精神倍奮志氣常伸磋
切愈勤學欲希乎衛武緝熙罔闕敬何歉于周文適逢命德之期
遂拜之叅藩之秩官階三品腰橫金帶生花

誥錫重封身縮玉章報本綿世澤之欝之乎槐滿庭陰敷義方森之乎
桂聯秋馥明消息盈虛以無過不待假年懷謙冲惕厲以知非允
惟進德長藩梁部臺在逕歷期頤之耄耄方來老子前身奚假青牛

之度嫦娥宿伴應同玉兔之升輝映門楣祥凝弧矢嘉愧衰毫而
稱觴之具搜舊得以介壽陳詞爰命孟孫敬申三祝伏惟賢文
洪吸百川福引齊眉歲下薦仙桃春酒位登元老人下歌玉燭金
甌嘉父子不勝祈望之至詞曰瑞鶴仙 文光映南斗喜文峯山
堂玉人初壽祥鍾嶽非偶稟純陽青淑佳辰逢九琴瑟樂友對棠
棣頻開笑口更佳兒佳婦承懽天祿天倫兼有輻湊百年方半金
帶生花烏紗籠首台衡望以持日至調元手正重睡西北蒼生念
切豈暇南薰歌酒尚須期柱石明堂勲名不朽

隆慶六年壬申夏六月既望七十六歲翁眷生楊嘉慶頓首書

奉壽

誥封屠母楊淑人七袞序

嘉靖乙丑丙寅大司成公枰石屠先生督視兩浙學政一時士習之敝賴先生挽維庶幾鄒魯余不佞幸廁門下知有淑人之賢久矣及余承乏南雍方趨

內召北上適仲君元極以淑人壽屆七旬徵言上壽幸聞賢德益詳誼不可以辭也乃作而言曰夫天不人人而壽之壽蓋德徵也乎哉淑人為楊奉政公女奉政公素醇謹不言而躬行稱鄉達尊淑人幼而女卽一意絕鉛華敦樸邀幽閑貞靜儼然淑女固其天性然亦有所受之矣奉政公知淑人賢擇賢而配歸先生時先生一貧士耳而太封君及太淑人方日拮据治家人生產淑人則朝夕奉事惟謹每鷄鳴起親執婦紅事白而夙績而維七以寒暑輟先生勤趨儒生業淑人日為給薪水嘗脫簪珥為圖史資以故先生得殫力鉛槧起家進士為時名臣先生之立朝也風裁表豎議

國事侃々持正衡不阿所畏每與權貴忤輒退而憤腕形於色淑人每從旁解慰之嘗謂直道事人自是丈夫事何至嚙吮脂膏効妾婦為唯是先生凜然節槩歷宦三十年如一日則淑人默相之力也輒近沾一命而上未稱人者率霞帔綺裳揚々矜飭而誇於里閭淑人每心鄙之嘗謂仕宦何常日是月虧天道猶爾烏能必世々子孫常富貴哉迺皂綵補澣泊如也居常惟一盂一蔬屢隨先生歷宦所以內勅僮僕種蔬為自給計至其處妯娌柔挹貶損不自知其為命淑人即雜處里婦間人亦不知其為命淑人也簡約共讓無異事舅姑與先生窮約時淑人舉四丈夫子咸撫循俾成立進之鄉國行將為豹變為龍驤且日共儉其身為諸子標準每誦奉政公遺行及身所以服習奉政公狀而諸君子亦咸唯唯遵姆訓不失子婦有自貴家出者畏淑人謹率易綺縞椎布操作而前事淑人間嘗鄉妯娌里婦淑人並欲盡柔而氣毋岸而色如其所以鄉妯娌里婦者至於今諸君子婦恂々退遜無一不若

貧累然而人亦不識其為貴公子婦也夫其婦而事舅姑無異女于奉政公其事先生于職仕無異于貧士其型諸子及子婦無異于身為人子婦則德固備而純且有常誠厚哉坤之德惟厚故能載物而合無疆若淑人二十年奉政公女二十年太封君太淑人婦而先生之內子又三十年四君子之母淑人七十年于茲是由其德厚故其福履厚不唯承祉于其父母于其舅姑于其夫子而今之日與後之日且日撫諸子之婦而承祉無已時也則天之厚淑人者豈偶然而淑人實以坤之厚德合無疆矣壽德徵也門下士言匪佞哉仲君不以余言為鄙因請書之以為淑人壽

賜進士第禮部右侍郎前南京國子監祭酒門生陸可教頓首拜撰



詩

憶山門詩接贈西園屠封君

山門攜往興心賞得仙俦路入桃園古泉甘蘭谷幽碧霞明寶樹
文脊倚瓊樓最喜西園叟相期共白頭

緒山錢德洪書



送祠部屠枰石督學浙江

錦帆欲下潞河津南省仍傳禮樂新人擬圭璋燕甸曉天開桃李

越江春幸逢

聖主崇文日正是真儒倡道辰尊酒非闕牽別緒願將澆薄盡還醇

嘉靖甲子歲冬十月之朔

賜進士第光祿大夫柱國少保兼

太子太保兵部尚書食正一品俸蒲坂虞坡楊博書



奉送枰石屠先生督學兩浙

軺車欲發會初寒九月盧溝柳色殘
畫省久傳鷄舌美文垣驚睹鳳毛
丹新知自恨同心遠雅道何憂行路
難想到天心論學處岩花江草若為
觀

嘉靖甲子冬初兵部左侍郎卿侍生胡松拜撰

督學屠枰石先生之越詩以送之
三載論心此

帝州臨岐欲語事悠々只愁後夜城頭月也照錢塘望海樓

歲暮天涯雪欲零那堪別子短長亭春風一日開桃李猶是寒松

點々青

此夜中天月自明清歌一曲入雲輕越城不是無歌者待得君來

總和聲

上々齊雲嶺上嶺陽明祠下見羲田欲知指點耕農處太極亭開

萬古前

無限江湖一覽情越江漫々越湖清揚帆鼓柁憑來徃分付舟中

莫弄兵

四海當年已會同猶聞強弩射湖東與君說到人心事此日誰分

孟氏功

嘉靖甲子歲孟冬吉旦

賜進士出身光祿寺丞侍生萬思謙頓首拜書

送枰石屠先生督學兩浙詩



薊門向南道迢遠牛斗邊繁霜送君子車遠誰能牽重此別離感
驪歌不成篇君行胡為樂金紫趨翮高堂偕喜色共駕錢塘船
錢塘跨吳越自昔頗多賢聲華一以茂致飭身盡焉疇為河津薛
講解親遺編疇為莆陽黃倡率惟身先君行豈不勞敦朴良拳
憶昔逢君曰薊門春正妍二三聯知己磨礪胡留連相期邁物表
各散區中烟如何春復春離合驚倏然駕力思邊影雁行悲孤旋
自惟桑梓地賴有文教宣匪然悅俄頃垂之百千年良知揭白日
永矣紹心傳

嘉靖歲甲子孟冬上浣之吉

賜進士出身承直郎刑部主事治下生徐用檢頓首拜撰

奉送屠枰石鄉文督學兩浙

十年蘭省久知名忽擁文茵向越城證道已能登覺岬傳經端不
負平生共憐夜雨分離袂悵憶春鴻慰遠情桃李無言自成送好
將梁棟作周楨

嘉靖甲子冬

賜進士出身奉議大夫兵部職方司員外郎華亭范惟丕頓首書

石老行賦五言三章用紓別懷

漫、平生心今歲與子遇如霾捲長風空廓得爽霽何為百年期

遽聞舍我去不念會時難翻令別時易

子行在今晨風日正晴好豈無信宿留共輸此懷抱逶迤道路長

行邁苦不早驅車從此去歲暮慎自保

入道如登覽不擇名勝區天机如釀泉盎溢浮春堤冥心有至契

效湮皆珠璣一落言語詮恐作終身疑

賜進士出身兵部郎中吳興錢鎮頓首拜書

送

少司徒枰石屠翁督儲淮浦榮滿還京詩

楚水吳山紀勝遊便君抱續獻

宸旒薰風彩鷁催仙棹細雨輕帆起白鷗客館離觴頻逸、通家

別思更悠之一年國計君勞裕會見賢聲滿

帝州

嘉靖壬戌之歲季夏月吉旦年家侍生海村閻大祥頓首書



五
十
五
五



一
一

一
一

慶

羽翁屠老親翁老先生七袞榮壽序

余邑文脊峰晉瞿硎先生被鹿裘煉丹處也丹成知其人為不朽是峰之麓也地甚葱鬱而屠宅先世遂卜築於其間嗣是世多聞人未易備舉惟羽老屠親翁尤不碌也於流俗都人士咸稱頌之不置或謂親翁鍾文脊靈淑故耳雖然地亦何能重其人而人固有以重之也親翁為余內姪彭又之岳翁余甚悉其生平孝友篤於前經史遺其後日復晤對文脊峰高心遊物表胸中不著冰炭眼底不凝雲霞凡數十年一瞬也此蓋名實之所由至歟神固日以旺而履固日以康人傳瞿硎先生僅守藥爐丹灶結契洞雲煙月為不朽者何如親翁樂舉案撫桂蘭富壽而康為入世安期即今七十年便是百四十年尤過也彭又之樂歌且舞足以引滿一觴者其在斯乎是知文脊峰間亦高人曠士徜徉之地余息解組歸願與親翁遊頌佳趣即瞿硎先生不朽之業當在吾與親翁襟

帶間願親翁無忘

皆

康熙歲在庚戌太簇月廿有五日

賜進士第戶部湖廣司郎中眷侍教生洪啟槐頓首拜撰



慶

大德望即榮封幼翁屠老親翁老先生六袞華壽

山門宛寧名境也其間文峯天挿石室雲聯中有勝樹一本三花
晉瞿劭先生隱於此後人遂以名樹爲逮明爲名賢屠枰石先生
所居余少時卽慕其高風竊謂巨族必多名士接跡而起適乙未
春往遊過枰石舊里以屠子大音乃吾鄉賢梅膺祿之曾孫倩也
因王其家論詩文致款洽迺幼翁贈答同飲翁比年五十有三
矣而氣緊英偉逼人言論丰采雅與俗別因相得甚歡留連信宿
得知翁之學問雖伯樂未遇而青雲之志曾不稍挫殆所謂老當
益壯者耶翁之高堂是年已逾杖國鶴髮童顏莫辨其爲老少幾
又疑瞿劭再見矣昆季五或翻上而俊雅或厚重而少文濟上同
堂昔所謂君子之一樂者真莫是過與至於膝下承歡厥稱薛鳳
長君玉立最聰穎攻舉業鮮有其儔次男獻三亦復草草不群諺
云瞿樹三花當毓秀於里下翁今其應乎後余宦遊浙東有尊羹

鱣膾之思迴息曩時閒遊會叙情景依仁如昨竟不可必得值大
 音走書為翁製錦予曰此正可以為翁序者也若蔬東舊習寧足
 以辱翁與大音輩之一噓乎遂為述其勝遊本末會聚深情以遙
 當稱觴焉翁其聞而色喜飲不笑爵可知也

昔

康熙六十一年歲在壬寅季春月

賜進士授文林郎知縣年家春弟張仕驤頓首拜誤



慶

年伯臺升恒屠翁六袞文


嘗讀春秋繁露壽者酬也謂其生平有可以壽者而後因以酬之也若年伯臺升恒屠翁者立身行已誠足酬之矣予與年伯翁子承秀訂交久居又相近因有以熟晰夫年伯之事實而不屑上於浮文也年伯兄弟五人早世者三藉其力家業稍豐事父至孝分爨後服勞奉養之事不諉諸弟與姪及父病衣不解帶凡藥必先嘗之朝夕乞於神願以身代父沒後哀毀過甚形容枯槁遂成疾半載不瘳賴父之靈喚醫葉諒生調治醫如家言故見凶服問之乃怪父沒已久始識為陰靈所接也服藥不數日病果愈逮母沒其所以痛母者亦如其痛父夫世有居父母喪而漠不以為意者則年伯之孝誠足酬之矣壽奚言哉况年伯自少至老一丘一壑之間出而作入而息實有樂以非疲者其視不義之財雖與不取非禮之酒相邀不入蓋寧方無圓寧迂無便又如以雖以是寡合

於流俗然其律身之嚴為足以酬之者更可槩見也年伯配汪氏
 孝事舅姑與年伯同而延賓教子獨不惜罄其中饋生五子長承
 秀與予丁酉同入泮次承恩又次承志承元少承宗業儒孫顧甲
 德魁凡此皆所以酬之也豈第壽哉雖然繁露云壽者酬也必視
 乎人之有可以而後酬之則年伯之所以壽者方未艾也寧僅杖
 鄉之始基云爾乎因為之記

昔

康熙六十一年歲在壬寅臘月之吉

年姪洪浩源頓首拜撰



建置志

屠玄極曰建置何以志懼遺忘也凡名家所建置如祭田祭器之屬必賴文獻足徵以垂久遠不然欺詭之敝未有不緣而生者余家自創祠以來已歷數十載諸務率多未遑顧祠墓之側旋置而旋被侵牟者間亦有之則文獻不足故也乃以其見在以俟後之增置者作建置志

計開

- 一買祠東屋并基地一號屠希二寺受價
- 一買社屋冲祖坟來龍山一號屠忠受價
- 一買社屋冲祖坟屋基地一號屠業寺受價
- 一買葛家塢祖坟山一股屠業受價
- 一買葛家塢祖坟山一股屠忠受價
- 一買水口立墩一號屠四漢寺受價
- 一祠堂基公業

一社屋基公業

一焦樹埕水口埤公業

一葛家塢坟田

畝計

号地

以前所置係宗生公子孫公堂銀兩

畝計

号公業



屠氏家譜後叙

余觀譜牒而有感于古今之變也今學士家論次先世類多稱宗袞于謝安通遺謀于社固以為後禛光榮而其後禛乃至恃門第之盛不復增修其德業此豈獨後焉者之過自其先動引光赫而無艱難之狀以振聳之至漸流于逸豫而不自覺無足怪耳然後知古人教家如詩所稱后稷公刘而下平林委巷于耜采葛等事不隱其鄙陋而見之篇章每若咏嘆而不足盖有深意存焉引譬小則志易從取類近則情易接而其稱述艱難足傳示來禛而聳動其憂勤流風善俗歷數百年不廢誠有以鼓舞之使然也夫當周室之盛禮樂煥然一新非有所恢張以形容功德

而于先世艱難之狀不諱言之今不務稱述其本來而虛恢于風影令後世無所觀感而反以病其誣古人教家之道于是不可復追也已故求譜法亦必不失詩人之遺旨而後為庶幾焉當宋之衰胡兵猖獗余始祖辰一公之先莫免于深谷窮巖蓋流徙艱辛者實有萬狀四傳而至宗生公乃始克有寧宇沿及員童惠隱宜庵中憲三四公者皆世秉耒耜而篤脩其仁義之德以為鄉里所依歸九傳而至先司成始承前緒而光大之道德文章遂為一時名臣之冠乃其家庭稱述常不忘先世艱難每思論次其本末而未遑也至于疾草手所為世系圖以授不肖孤兄弟不肖輩授而藏之二十年餘未有以仰副遺命及伯兄

不祿余從仲兄于禮闈匍匐南歸始懼先志未成請
于諸族老暨二三博雅之彥謀所以續為成書者仲
兄慨然以為已任自始祖以迨先司成凡締造之多
艱行誼之卓犖皆有以考鏡而論述之述窮微而至
流光于奕葉述烜赫而至追本于徃初不以歷顯秩
被聲華而後蒙累牘之譽不以賁丘園敦質行而遂
斬一字之褒儻後之人時
觀焉感盛衰之故
唯然而奮殆若身處
而不能已者以此教
詩人之遺意矣雖然
其或有感于先
家庶幾可以入人心而治
詩與譜能為可興非所以
以憂勤永譽也惟後之人
無感于先

豫墜緒也亦惟後之人後之人尚其勉
作譜者之意哉不肖樂觀成事得藉手以副
之倦之敬申一言于末簡

崑

萬曆壬寅孟秋之吉十代孫玄圭頓首拜書于宸翰

樓



名氏宗譜跋

今有求徑尺之鱗而釣于蹄
涔之水者雖終日垂竿而不
得也收綸而去遊于深淵大
澤之旁俄而雲興霧吐靈異
閃鑠不可名狀怪而視之波
濤倏湧有神龍躍出而飛騰
于九霄者焉丘陵之特起豈

不峭然推視一隅哉至需明
堂之棟匠石或操斧過之而
不顧以為非其地耳從而入
山有崎嶇絕磴人跡所不到
者而異材卒叢出于其間彼
從崑崙過太行蜿蜒迢遞不
知其幾千萬里而後巖從萃
律結為勝區夫是以含元氣

萃萬靈而植材如此之固也
豈惟物理雖人事亦有之余
自束髮操觚已聞枰石屠先
生之槩而私心企慕者久矣
頃不自意謬讀中秘書手三
朝實錄而披玩焉知先先生
地省則錢穀之佐也在春曹
則禮樂之宗也由兩浙三巴

